

諸

天

泉

志

諸天泉志  
LIBRARY





諸暨圖書館  
ZHUJI LIBRARY



諸暨縣志序

水經浙江水篇浦陽江導源烏傷縣  
東逕諸暨縣與浚溪合兩山夾溪凡  
有五洩水勢高急望若雲垂又東逕  
縣南越起靈基於山上又作三層樓  
以望雲氣川土明秀亦為勝地故王



逸少云從山陰道上猶如鏡中行也  
觀道元所注渚暨洵浙東之奧區耶  
夫山澤之氣旁薄而鬱積其地必  
產貞臣畸士素其善世不伐遜世无  
悶者與乾坤爭一息之命為邦人  
士所圭臬以挽頽運而激囂俗其所



繫非細故矣以諸暨一縣徵之南宋之初  
馮時可忤秦檜援李綱元季楊維禎  
溥沈貞元之交鶴書屢徵而曠然不  
滓王冕之杜門不出義命自安宋汝章  
之遯迹白無下儕樵牧明季陳洪緩酒  
色自晦而去節皦然凡若而人者百年千



里得一已難而請暨以一彈丸地而貞臣  
畸士輩輩如此信足以上薄三辰下鎮  
宙合嗚呼世不盡黃農虞夏使非有  
貞臣畸士若時可若維楨若冕若汝  
章若洪綬者楮柱於風雨漂搖人  
禽雜糅之交而一任突梯滑稽如脂



如韋不為千里之駒而為水中之鳧  
與波上下以全其軀者充塞曼衍於  
其間乾坤或幾于息矣諸暨之父老  
子弟誠汲以時可維禎與冕汝章  
洪綬為主臬是則是做敦廉恥厲  
節義積之既久類運囂俗將一反於



黃農虞夏諸暨一縣匪惟浙東之望  
抑亦海外內魁杓也諸暨之有志舊  
矣一修於元再修於明明季以降踵  
修者再今又越百餘年矣光緒乙未  
邑士始議續修至宣統辛亥而事竣  
凡疆域戶口風俗人物其因革損益



隆汙登耗之故既視前志為翔實  
矣余獨舉山川旁薄鬱積之氣  
必產貞臣畸士為邦人士所圭臬  
者以弁志端俾來者知所則倣或  
不河漢余言耶金壇馮煦





諸暨圖書館

ZHUJILIBRARY

頁

四



諸暨縣志目錄

卷一

圖經

卷二

建置一

沿革表

卷三

建置二

疆域

城池

廟署

倉廩

義冢

卷四

建置三

壇廟

卷五

山水一

附橋渡

寺觀

冢墓

卷六



山水一

卷七

山水三

卷八

山水四

卷九

山水五

卷十

山水六

卷十一

山水七

卷十二

諸暨圖書館  
ZHUJI LIBRARY



山水八

卷十三

水利

卷十四

學校

卷十五

兵備

卷十六

田賦

卷十七

風俗

卷十八



災異

卷十九

物產一

卷二十

物產二

卷二十一

職官表

卷二十二

名宦一

卷二十三

名宦二

卷二十四

諸暨圖書館  
ZHUJI LIBRARY



科第表上

卷二十五

科第表中

卷二十六

科第表下

卷二十七

列傳一

卷二十八

列傳二

卷二十九

列傳三

卷三十



列傳四

卷三十一

列傳五

卷三十二

列傳六

卷三十三

列傳七

卷三十四

列傳八

附闕訪

卷三十五

方技

卷三十六





列女一

卷三十七

列女二

卷三十八

列女三

卷三十九

流寓

卷四十

方外

卷四十一

坊宅上

卷四十二



坊宅下

卷四十三

金石上

卷四十四

金石中

卷四十五

金石下

卷四十六

經籍甲部

卷四十七

經籍乙部

卷四十八

諸聖圖書  
ZHUJI LIBRARY



經籍 丙部

卷四十九

經籍 丁部上

卷五十

經籍 丁部下

卷五十一

文徵一 丙編

卷五十二

文徵二 丙編

卷五十三

文徵三 丙編

卷五十四





文徵四  
外編

卷五十五

文徵五  
外編

卷五十六

文徵六  
外編

卷五十七

文徵七  
外編

卷五十八

文徵八  
附編

卷五十九

雜誌  
軼事

卷六十





雜志  
詩話

舊序

節孝錄

諸暨縣志目錄終

諸暨縣志

目錄

諸暨圖書館  
ZHUJI LIBRARY







音序表


卷一

圖






縣城圖











縣治圖




中國書庫  
ZHUJI LIBRARY







學宮圖




毓秀書院



晉江縣志


卷之二

圖






苧蘿山圖



金雞山







五洩山圖









中國書局

大



諸暨圖書館  
— ZHUJILIBRARY —



諸暨縣志卷二

建置志

沿革表

邑故屬越古爲荒服僻壤偏陬遠溯諸虞夏商周而上并求諸荆揚粵越之間茫乎遐哉豈易考證故舊志所載諸暨二字說各歧出有字同而音異者有音同而字異者紛紛援引莫衷壹是竊惟志爲縣設則當斷自置縣始建置明而沿革可考爰將皇古迄秦備採諸說如左連綴成文不事點竄而刪舊志傳會駁詰之詞以歸簡易自漢而降凡歷代史書地志之可考者并統轄州郡列沿革表於左方備參稽焉

古爲暨國高陽氏後彭姓沂之承有蕲亭卽古暨國其派者爲諸暨隸越周爲允常之都夏后氏後界有諸山暨浦路或言西有櫛



山萬曆府志山多楮木故謂之楮山寇仲溫諸北有槩浦萬曆府志即今之

槩浦鄉是也寇仲溫諸或言無諸舊封夫槩故邑皆上下各取一

字從省稍轉訛耳萬曆府志○案漢書閩越王傳閩越王無諸越

其地為閩中郡漢五年後立無諸為閩越王王閩中故地都治師

古注閩中即今之泉州建安治即侯官縣是也考唐之建安即今

福建建甯府建安縣地唐之侯官亦即今福州府侯官縣地若云

諸縣為無諸舊封豈秦立諸暨縣非隸會稽郡而隸閩中郡耶又

左傳定公五年九月夫槩王歸自立也以與王戰而敗奔楚為堂

谿氏考堂谿楚地今河南汝甯府遂平縣西北百里有堂谿亭是

也夫槩奔楚受地確有明文非諸暨已若云其前本有封邑則夫

槩為闔廬之弟闔廬之時越未臣吳豈能以越地封弟耶二說均

嫌牽強不若從諸允常卒句踐稱王都於會稽吳越春秋所謂越

山暨浦較為直捷水經注漸北界山陰康樂里有地名邑中本作

王都埤中在諸暨水經注漸者是句踐所立宗廟在城東明中里宏治府志城臨對江流江南有射

堂北帶烏山先名上諸暨亦曰句無矣故國語曰句踐之地南至

句無水經注漸今諸暨有句無亭是也韋昭國語解○案即今縣

南之句乘山無與乘篆文



上半相似故訛異耳秦始皇立諸暨縣屬會稽郡浙江通志越絕書曰始皇帝三十

七年東遊之會稽道度諸暨到大越已去奏諸暨因上姑蘇臺此

紀實之文前此者據今證古皆後人追書之詞耳樓漢屬會稽郡

王莽更名疏虜漢書地理志注後漢世祖光武初復舊浙江通志獻帝興平二

年分立漢甯縣後漢書郡國志注吳改漢甯曰吳甯今大門里或即其地

嘉泰會稽志晉及宋齊梁陳並仍之隋文帝開皇中屬吳州九年廢吳

甯復入諸暨煬帝大業中仍屬會稽郡紹興府志唐屬越州會稽郡高

宗儀鳳二年分置永興縣舊唐書地理志蓋割而置之也樓五代吳越初

改暨陽武肅王天寶元年仍改爲諸暨十國春秋地理表注時與楊行密爲

仇故凡屬地與楊同音者悉奏改之吳萊浦陽十景詩自注宋初屬越州會

稽郡高宗紹興元年陞越州爲紹興府諸暨隸焉宋史地理志及文獻通考孝

宗乾道八年以楓橋鎮分置義安縣清類天文書淳熙元年廢一統

沿革表



元屬紹興路成宗元貞元年陞為州元史地明屬紹興府太祖已

亥年即元順帝至正月改名諸全州丙午年即至正二十二月降

州為縣仍復舊名明史地理志

國朝因之編戶一百五十二里浙江通志雍正六年改編順莊其五百

五十六莊賦役全書

州 郡 縣

漢揚州刺史部

會稽郡

諸暨縣

刺史乘傳周行郡國無適所治

治吳縣今江蘇蘇州府吳縣治漢書地理志注秦置高帝六年為荆國十二年更名吳景帝四年屬揚州

即今治漢書地理志注莽曰疏虜浙江通志平帝時王莽更名疏鹵世祖建武初復舊

後漢揚州刺史部

會稽郡

諸暨縣



治歷陽今安徽和州治

三國揚州刺史部

治建業今江蘇江甯府上元縣南三謹按南齊書州郡志吳置持節督州牧又人不見揚州都督所治

版

會稽郡

初治吳後移治山陰今紹興府治續漢書郡國志注秦置宋書州郡志永嘉四年分會稽為吳郡會稽移治山陰

治山陰今紹興府謹按三國志吳志孫亮太平元年分會稽東部立臨海郡孫休永安三年分會稽南部立建安郡孫皓寶鼎元年分會稽立東陽郡諸暨並仍屬會稽焉

諸暨縣

即今治續漢書郡國志注越絕曰與平二年分立吳甯縣嘉泰會稽志漢獻興平二年分諸暨之大門村為漢甯縣吳改漢甯曰吳甯今大門里或即其地

即今治宋書州郡志東陽郡豐安令漢獻興平二年孫氏分諸暨立謹按續漢書郡國志會稽郡太末注建安四年孫氏分立豐安縣其說與沈志異顧祖禹讀史方輿紀要云豐安廢縣在浦江西



晉揚州刺史部

治建業今江蘇江  
甯府上元縣南三  
晉書地理志揚州  
合統都十入謹按  
會稽魏晉揚  
謹按通典魏晉揚  
州刺史本治壽春  
今安徽鳳陽府壽

會稽郡

治山陰今紹興府  
治晉書地理志會稽  
郡秦置統縣十  
畢沉晉書地理志  
新補正晉於此置  
東揚州  
謹按武帝太康二

諸暨縣

卽今治  
晉書地理志會稽  
郡統縣諸暨

南興平二年孫氏  
分諸暨立後漢志  
注謂分太末立誤  
考漢之太末今爲  
衢州龍游縣地今  
之浦江漢爲鳥傷  
縣於驪地漢之太  
末在鳥傷西南今  
之浦江在諸暨西  
南既云豐安在浦  
江西南則非諸暨  
分立矣似當以續  
漢志注爲是



州治會稽非其所  
轄晉平吳乃移治  
建業會稽始隸焉

宋揚州刺史部

治建康今江蘇江  
甯府上元縣南三  
宋書州郡志元嘉  
敬十一年省以其  
民併建康三十年  
分置會州孝建  
帝元會州分揚州  
會稽東陽新安永  
嘉臨海五郡為東  
揚州餘黜黜瀾大  
明其地為王畿而  
以其揚州直云揚  
東揚州直云揚州  
入年罷王畿復立  
揚州揚州還為東  
揚州前廢帝永光

年封孫秀改為國  
惠帝永甯元年復  
為郡明帝太甯二  
年徙封琅邪王又  
改為國咸和中改  
會為鄒後復舊

會稽郡

治山陰今紹興府  
治  
宋書州郡志會稽  
太守秦立領縣十  
謹按孝建元年為  
東揚州刺史治永  
光元年省仍為太  
守治

諸暨縣

卽今治  
宋書州郡志諸暨  
令漢舊縣



元年省東揚州并  
揚州鄴歸順帝昇  
明二年改揚州刺  
吏曰牧

齊揚州刺史部

治建康今江蘇江  
甯府上元縣南三

梁揚州刺史部

治建康今江蘇江  
甯府上元縣南三

會稽郡

治山陰今紹興府

諸暨縣

卽今治  
南齊書州郡志會  
稽郡諸暨

會稽郡

浙江通志建置表  
宋會稽太守領縣  
十南齊州郡志亦  
仍宋之舊

諸暨縣

卽今治

治山陰今紹興府

隋書地理志會稽  
郡注梁置東揚州  
謹按武帝普通五  
年分揚州置  
梁書敬帝紀太平  
元年罷東揚州還  
復會稽郡



陳揚州刺史部

治建康今江蘇江甯府上元縣南三

隋揚州總管府

治江都郡今江蘇揚州府江都縣治隋書地理志周為吳州開皇九年改為揚州置總管府大業初府廢謹按揚州領四十二郡會稽隸焉

會稽郡

治山陰今紹興府陳書文帝紀天嘉三年以會稽置東揚州

會稽郡

治會稽今紹興府隋書地理志會稽郡平陳改曰吳州置總管府大業初府廢置越州統縣四府廢置越州統縣浙江通志建置表揚帝改為越州尋復為會稽郡屬揚州部

諸暨縣

即今治

諸暨縣

即今治隋書地理志會稽郡諸暨有泄溪大農湖紹興府志沿革表開皇中屬會稽郡大業中屬會稽郡謹按舊志載隋開皇元年廢吳甯復入諸暨隆慶縣志實實篤謂隋書地理志金華縣注廢建德太末豐安三縣入改為吳甯十



唐江南道採訪使

舊唐書地理志貞觀欵元年始於山河形便分為十道入曰江南道謹按越州隸焉

越州會稽郡中都督諸暨縣

府治越州今紹興府舊唐書地理志武德四年置越州

二年改東陽十八年改名焉竇無廢吳甯入諸暨之文樓志亦據清類天文分野之書謂開皇中罷吳甯分五鄉入烏傷亦未有復入諸暨者然據嘉泰會稽志與平二年分諸暨之大門村為漢甯縣後改吳甯今開化鄉四十都有大門村則吳甯復入諸暨舊志之說似亦未可遽非也

卽今治舊唐書地理志越州中都會稽郡越漢縣屬會稽郡越王允常所都唐書地理志會稽





江南東道採訪使

竝治蘇州今在蘇

蘇州府吳縣治

舊唐書地理志開

元統二十一年分

天下為十五道每

道置採訪使檢察

非法如漢刺史之

職江南東道理蘇

州謹按越州隸焉

浙江東道節度使

治越州今紹興府

治

舊唐書地理志浙

江東道節度使治

越州或為觀察使

總管管十一州越  
 州領縣三七年改  
 為都督督五州越  
 州領縣四五天寶元  
 年改越州為會稽  
 郡謹按諸暨竝隸  
 焉唐書方鎮表乾元  
 元年置浙江東  
 道節度使領州入  
 大團練守促及觀  
 都團練守促及觀  
 察處置等使領州  
 如故十四年廢建  
 中繼元年復置浙  
 江東道都團練觀  
 察使二年廢中  
 繼三年升浙江東  
 道觀察使為義勝  
 軍節度使先啟繼  
 三年改為威勝軍  
 節度使乾甯繼三  
 年改為鎮東節度  
 使謹按竝以越州

郡諸暨望有銀冶  
 東二里有湖塘天  
 寶中令郭密之築  
 溉田二十餘頃  
 舊唐書地理志會  
 稽郡蕭山縣儀鳳  
 編二年分會稽諸  
 暨置永興縣天寶  
 統元年改為蕭山  
 樓志隋書地理志  
 云平陳廢永興入  
 會稽而前此不聞  
 有廢永興入諸暨  
 者是會稽之分置  
 永興為復而置之  
 而諸暨之分置永  
 興則割而置之也



五代吳越

為治所

越州東府

治會稽今紹興府

十國春秋地理表

注唐乾甯四年武

肅王號越州為東

府後國中亦稱東

都吳越天寶元年梁

敕并越州為大都

督州領縣入越世家

五代史吳越世家

昭宗拜鏐鎮海鎮

東軍節度使鏐如

越州受命還治錢

塘號越州為東府

謹按張渙會稽續

志時亦稱會稽府

諸暨縣

即今治

十國春秋地理表

注初改暨陽天寶

元年仍奏改諸暨

縣城武肅王遣王

承修築肅王遣王

十國春秋吳越武

肅王世家天寶三

年注乾五月奏改

東府暨陽縣為諸

暨縣惡揚氏也

謹按十國春秋吳

越世家中和三年

王討劉漢宏時稱

諸暨乾甯三年王

討董昌時稱暨陽

據讀史方輿紀要

謂係光啟中改說

亦近是



宋兩浙路

治臨安府今杭州  
宋史地理志熙甯  
七年分爲兩路  
尋合爲一  
分十年復合府二  
平江鎮江州十二  
杭越胡葵明常温  
台處衢嚴秀

兩浙東路

治紹興即今府治  
宋史地理志南渡  
後分臨安平江鎮  
江嘉興四府安吉  
常嚴三州江陰一  
軍爲西路紹興慶  
元瑞安三府婺台  
衢處四州爲東路

紹興府

卽今治  
宋史地理志本越  
州大都督府會稽  
郡鎮東軍節度大  
觀續元年升爲帥  
府舊領兩浙東路  
兵馬鈴轄紹興縞  
元年升爲府  
文獻通考紹興元  
年越州陞爲紹興  
府置浙東安撫謹  
按陞府爲紹興者  
蓋以年紀名也領  
縣入諸暨隸焉嗣  
後紹興爲浙東路  
治

諸暨縣

望 有龍泉  
銀治

卽今治  
清類天文分野之  
書乾道緯入年以  
其地之楓橋鎮置  
義安縣後省  
大清一統志義安  
廢縣在諸暨縣東  
北五十里宋乾道  
八年置淳熙元年  
廢今爲楓橋鎮謹  
按似此則分置及  
廢才三年耳  
隆慶駱志質實篇  
舊志載義安縣長  
轄蓋長阜大部長  
甯長泰花亭東安  
西安紫巖花山義  
安也今按義安之  
轄十鄉大要不遠  
矣  
謹按宋史地理志  
紹興府新昌縣注





元江浙等處行中書省紹興路上

治杭州即今治  
元史世祖本紀至  
元十三年二月新  
以臨安為兩浙大

即今府治  
元史地理志唐初  
為越州又改會稽  
郡又仍為越州宋

諸暨州下

即今縣治  
元史地理志宋諸  
暨縣元元貞誠元  
年升為州

乾道八年以楓橋  
鎮置義安縣清熙  
元年改據此新昌  
為義安所改則即  
諸暨所分而縣境  
與新昌並不毗連  
則其說非是  
又按宋避太宗諱  
凡州縣更名如義  
陽軍改信陽南義  
州改南儀孝義縣  
改中陽見於錢大  
昕二十駕齋養新錄  
者二十有六分縣  
何以直犯其諱豈  
年遠不避耶此則  
未敢知矣



明浙江等處承宣布政

都督府六月罷二  
十一年徙江淮行  
省於杭州二十八  
年改江淮行省為  
浙江等處行中書  
省治杭州謹按領  
路三十府一州二  
紹興路隸焉

使司

卽今治  
明史地理志元置  
江浙等處行中書  
省太祖戊戌年置  
中書分省治甯越  
癸卯二月移治嚴  
州府丙午年十二  
月罷分省置浙江  
等處行中書省治  
杭州府洪武三年  
十二月置杭州都  
衛八年十月改都

紹興府

爲紹興府元至元  
十三年改紹興路  
領縣六州二

卽今治  
明史地理志元紹  
興路屬浙東道宣  
慰司太祖丙午年  
爲府領縣八

諸暨縣

卽今治  
明史地理志府西  
南元諸暨州太祖  
己亥年正月改諸  
全州丙午年十二  
月降爲諸暨縣西  
南有新城在五指  
山下太祖癸卯年  
李文忠所築西南  
有長清關二巡檢  
司廢  
浙江通志建置表  
諸暨縣明初爲諸  
全州洪武二年已



衛為都指揮使九年六月政令中書省為承宣布政使

謹按戊戌即元至正十入年癸卯即至正二十二年丙午即至正二十六午甯越府即今金華府治浙江領府十一紹興隸焉

國朝浙江等處承宣布政紹興府

使司

即今治  
浙江通志  
皇清定天下置浙江等處承宣布政使司凡隸布政司者府一十一州一縣七十六

紹興府

即今治  
浙江通志  
國朝定為紹興府屬  
浙江布政使司領  
縣八

諸暨縣

即今治  
章志  
國朝諸暨自乙酉五月中歸附實順治二年未幾會稽鄭遵謙挾魯濬島合阻江明年丙戌六月再平  
搢紳全書諸暨縣繁疲難

西復為縣屬紹興府  
隆慶駱志洪武三年庚戌改諸暨縣仍屬紹興改路為府  
謹按明初改州為縣以上三書年月不同未知孰是



諸暨圖書館  
ZHUJI LIBRARY

樓志諸暨有繁疲  
難之目自雍正中  
始通來或由陞題  
或由調繁一聽督  
撫擇用試可乃授  
非能員弗輕任也  
浙江通志屬紹興  
府諸暨縣屬紹興  
二里編戶一百五十



中國圖書集成



九卷二一



諸暨縣志卷三

建置志二

疆域

古者建邦立政首辨疆域疆字經典釋文訓竟廣雅訓窮窮其究竟而地始有域故杜佑通典言四至李吉甫元和郡縣志舉八到至到為互文皆以言夫廣輪之數也志其至到凡附麗於疆域之中者可次第而言矣

縣境

東西廣一百二十里

舊浙江通志。舊作一百六十里今更正

南北袤一百五十里

舊浙江通志。舊作一百一十一里今更正

八到

東至古博嶺山陰縣界駐日嶺會稽縣界俱七十里

萬曆府志



西至五洩山杭州府富陽縣界金華府浦江縣界俱五十里萬曆府志

南至善陀嶺白巖山金華府義烏縣界六十里萬曆府志

北至兔石頭山陰蕭山二縣界俱九十里萬曆府志

東北至白水山山陰縣界九十里萬曆府志

西北至雀門嶺杭州府富陽縣界七十里萬曆府志

西南至日入柱山金華府浦江縣界七十里萬曆府志

東南至宣家山嶺縣界八十里而近白水嶺金華府東陽縣界八

十里而遙萬曆府志

東北至紹興府城一百一十里浙江通志

西北至杭州府布政司一百里浙江通志

西北至京師四千四百一十里浙江通志



建置志 三

城垣

昔先王作邑必先作城城者禦暴保民之所周官辨正方位數言其經營之意今猶可得而想見也邑建始於秦其舊城築於何年前志已云失考卽所謂築於唐開天間者釋嘉泰會稽志似亦非今之城址則舊城築於何地今亦莫能紀其實矣今之城明初將軍胡大海之所改築者也自是而降舉廢之故舊牒可稽芟繁舉要條其規制而并以池附焉守斯土者其加之意哉

城

諸暨縣舊城不知築於何年

隆慶  
略志

城周二里四十八步高一丈六

尺厚一丈唐開元中令羅元開建東北門天寶中令郭密之建



西南門天祐初吳越武肅王嘗遣裨將王永修之今廢

嘉泰會稽志

元至正末明兵取諸暨是時縣為州將軍胡大海重築州城左

浣江右長山圍九里二十步為門者五東迎恩南迎薰北朝京

西西施而水門不名未幾守將謝再興以諸暨叛大將軍李文

忠馳來擊之未克乃去州六十里別築一城不旬日而成名諸

全新州已而紹興平舊城亦下仍即舊城為縣而新城廢成化

以後舊城久漸圯民皆據為宮室惟門存嘉靖中倭寇為患知

縣林富春乃議築城撓者紛紛一日榜示曰城本官地決不與

民城本官造決不擾民毋再議遂興工刻日告成不筭一民而

所議給帑金尚未啟封

府志

自為文記之

其略曰

國朝建府州縣皆有城池以衛社稷

固人民保藏積聚獨腹內諸地或闕弗置今海戎頻興擾郡縣諸暨在萬山之中寇亦再至城其得而闕諸嘉靖三十四年冬請築城於監司時公帑告虛民力弗競請賣官泌湖以益之議日可乃以十二月十一日起工越三十五年六月報罷公私費



計六萬有奇董其事者鄉之耆老與十遞年總而督之則富民  
袁旅壽泰駱東陽蔡烈吳大賢何相何元德蔣巍樓守道陳天  
麟俞拱壽九萬趙曉黃道中王元梓陳鶴年也先是施知縣堯臣築蕭山城聲藉甚人  
爲之語曰蕭山城打成諸暨城誘成問民孰良看兩城城周九  
里凡千三十丈有奇高一丈八尺雉堞六尺其二丈四尺有奇  
厚一丈謹按雉堞以下十  
四字當有訛脫樓門四東禹封玉帛南句乘雲物西  
蠡湖煙月北槩浦桑麻水門三

國朝順治十五年部院李率泰檄行每堞增高六尺并二爲一凡  
堞皆有隙以便發矢銃凡數堞增一礮臺府志乾隆三十一年奉  
特旨普修天下城垣諸暨城亦在估修之列領帑七千八百三十  
四兩共修城身九十六段通計八百三十三丈共築城堞七百  
二十有四每堞長一丈高五尺六寸厚二尺門樓四座每座高  
二丈一尺闊二丈二尺於乾隆三十二年八月經始三十三年



三月報成知縣陳燦承辦三十四年春雨復坍內外舊城身數

段知縣沈椿齡捐廉俸入百餘兩重修不領帑不復冊報

樓志

謹案邑城自乾隆以後道光二十一年曾民捐民辦修築一次  
卷燬於燹其起迄工程今廢可得而紀矣咸豐三年西北城又  
坍城紳陳朗獨捐已資修築知縣劉書田將為請獎朗力辭故  
亦無卷同治十年知縣朱樸勘明坍塌估計修費銀一萬五千  
八百餘兩詳請就地籌修於是城鄉捐集紛紛興工以當事者  
不得其人費罄而工弛此後歷年詳覆但以兵燹之後瘡痍未  
復款鉅民貧驟難集資待費停工更議其事為詞竊歎便文自營固不自今日始也

### 廢城

諸全新州城在縣南五指山下明初李文忠築今廢

隆慶駱志

### 池附

城東浣江天塹城內五湖

舊志作三湖此從今日形勢更之

相傳舊嫌長山勢逼

用堪輿家說鑿此當之宋淳熙中縣令何喬浚其湮塞置一閘

以時漲涸五湖者水自城外西南隅入至紫山下滄瀦為一湖



今稱三宮 由紫山下迤北出桂花橋即上湖橋至酈祠前又爲一湖

殿前湖今稱酈祠前湖由酈祠前迤東過登仕橋即中湖橋曲屈以達於學前又爲

一湖明嘉靖中知縣徐履祥以學湖之水偏帶西南不合頒制

乃浚其淤塞環西作堤以界之人呼徐公堤今稱新堤於是湖分

爲二在堤東者名學湖在堤西者名琵琶湖由琵琶湖北出探

芹橋即下湖橋抵北城又爲一湖今稱火神廟前湖二閘者一在學湖東北

隅甃石作溝過鋪前街至縣治之三思橋出閘以入於江一在

火神廟前之北隅亦甃石作溝出城爲白水河緣城橫入於浣

江者也五湖勢相連屬水自流通歷年久遠緣湖居民占湖墾

爲屋日漸淤塞每有澄清之議而阻於地勢之難爲力說者謂

萬一闔門三日將有拜井之虞唯計長者慮之而已參舊志光緒

十六年振飢贏餘錢四百十六千知縣胡永焯詳司留存濬湖



十九年邑紳程槐鄺英彥等領款興工知縣周學基捐廉為倡  
 又勸捐於城紳及市鋪仗助之至十二月工竣其費錢二千五百七十四千有奇唯採芹橋雖已開通左右尚未復舊自登仕

橋至王家道地兩旁湖岸侵占尚多經費不敷從此畢事知縣

周學基為記 諸暨枕山帶江環城遠近西南多山東北多水此

其大概也城以內長山橫亘雉堞回環城中及四  
 隅窪處儲水為湖湖區為五其實水流縈繞脈絡貫通仍處處  
 相聯也夫此城之賴有五湖也其非徒壯觀瞻之謂將以備蓄  
 洩資水旱濟利用而阜財源其為益於生民日用之需誠大矣  
 况湖光明耀增闢邑之文風湖水淪漣洩西山之煞氣其所繫  
 顧不重歟考五湖之先自宋邑令何公明邑令徐公兩次修浚  
 後迄今二百數十年間瓦礫堆集塵垢充溢瀕湖居民又各逞  
 蠶食築室開闢占作私業馴至大者或溝澮小者若岡阜五湖  
 舊跡行將漸離漸滅矣邑紳程君槐鄺君英彥樓君任賢等日  
 擊心惻怒焉憂之爰稟商前任胡公於光緒十六年振餘公款  
 內提存四百元今年春集議開濬又苦工大費鉅難以葺事基  
 於是捐廉百元並籌撥公款百六十元以為之倡又集紳商樂  
 輸一千七百元有奇計自三月開工起至十月工畢共用洋銀  
 二千四百餘元芹橋雖已開通左右仍未復舊自登仕橋至王  
 家道地以橋之三洞界之兩旁湖地侵占尚多湖身狹若修瀕



而歷年積久仍恐易於湮塞唯目前經費支絀籌捐不易是以  
僅事疏通卽用迄事所有業經濬復之處先勒石立界出示禁  
止毋許堆積汚穢其未經開濬及湖旁侵占之地故  
址猶存設他日重議濬復皆可考而知也是爲記



上海圖書館藏



卷三



建置志 四

廨署

民守於官官守於土間俗觀風尚謀戾止矧涖茲土而日視如傳舍乎此聽事之所以有廳治民之所以有治也邑之廨署廢與者屢矣孰經營是孰鞏固是志其崖略亦塵勞之績也由是而倉廩育嬰堂等亦各以類附焉皆建置事也

秦時開縣建治宋建今治

嘉靖通志

在中城少近東北

隆慶駱志

廨內有琴

堂

嘉泰會稽志

元陞為州治

嘉靖通志

明初己亥屯兵守禦燬於兵

舊志洪

武三年復為縣治

嘉靖通志

知縣田賦重建

宏治府志

正統己巳燬知縣

張鉞重建正德己卯圯知縣彭瑩重建山陰蕭御史鳴鳳為記

諸暨浙東鉅邑也地阻而俗美環山為湖累溪為江而田於湖山之間雨暘非其時則亢溼異宜灌洩甚艱故歲無常稔治之非其人則寬猛異劑民不帖服故事多廢弛比年以來自學宮以及諸公署皆荒圯弗治而邑之廨事墜壓尤甚上雨傍風殆



無所障蔽前合馬侯思聰嘗一經畫矣尋以陞任不果今令大  
 庾彭侯瑩旣蒞政之明年吏畏其廉民服其公爬梳剔抉理皆  
 就緒禱祈雨應農亦告登乃節嗇凡費以稽贏財贖民細故以  
 徵餘力學宮諸署以次修復又期年而廳事亦成侍御吳公華  
 按治至邑嘉其舉廢而民不勞也日吾嘗有以助汝則又以贖  
 罰所儲檄輸於邑而鼓樓坊牌又成庠生徐君俊仁輩相率來  
 告請一言以紀其績余惟天下之事皆成於能任而壞於自私  
 其在一邑則又切近而易見者也故好事者多紛更避嫌者  
 樂因循紛更之人非以倖名卽以竊利而民之受其病者多矣  
 或者以是爲嫌也於是避之卽事有當改亦因循而不爲其勢  
 必至於大壞而不可支則其爲費益倍矣故避嫌之與好事均  
 自私也因循之與紛更均病民也今侯治倣久當更之邑而建  
 置得宜亦惟以公心自任而行其所無事故人咸知以費爲省  
 以勞爲逸以及時爲幸宜其上下咸安而相與有成也使爲天  
 下者皆能充是心以任其責則亦烏有弗治哉侯之績固所宜  
 書而余亦因之有感矣是役也爲廳事凡三楹廳之左右稍下  
 爲蓮幕爲庫藏凡二楹以下兩廡爲六房左右凡十八楹爲儀  
 門於前凡三楹又前爲鼓樓凡五楹又前爲坊牌凡三座悉取  
 堅完勿事華侈承與尉崇禎十六年又圯知縣錢世貴重建紹  
 某某有贊襄之力焉

興府推官前署諸暨縣事陳子龍爲記

余以庚辰冬奉檄署諸暨令事察其山川形勢

自縣以南多高山平原類苦旱而其北則受浦陽江之下流爲  
 湖瀦以百計恆患水旣已連歲災穀不登窮民相聚劫巨室日



數見告子日夜厲賊曹衣求盜衣搜山澤飭干振衛城郭又大  
發粟振貧乏養癯篤告羅於鄰民用小靖而縣治則頽圯甚靡  
內以二十餘木支之令治事輒惴惴棟折且將壓焉廊廡無牆  
垣吏抱牘立雨雪中門無閉闌樓無鐘鼓館賓於東隅如入車  
廄令之私舍俸蔽風雨蓋建自正德中於今百二十年矣宜其  
墮壞不治將益深而予是時方芟梗扶傷之不暇且歲月之不  
假易安敢以告司聖明年真令錢君來則討捕賕貸之政益修  
葺月之閒令行禁止四境大和又明年歲大穰遂上計中丞御  
史臺以建造請報可於是量徵徭役用寬民力不足則七嘉肺  
之羨緡又不足則捐常祿繼之木石埏埴靡不躬親義取壯綴  
不用丹雘凡歷二時而成爲堂者三堂之前爲軒後爲重堂皆  
如之右爲庫者一左爲幕廡尉實居之庭之左右爲廊六曹掾  
所供事也前爲儀門者三又前爲麗譙者五挈壺氏司之左偏  
爲賓館以歲時見大夫堂之後爲令燕室不詳記旣落成而予  
以冬日行縣見之作而歎曰我今而知爲政矣古之論治者曰  
營室之中土功其始故入其疆寄寓施舍之具橋梁宮室之  
不修於是乎有逸罰豈能無勞民蓋罷於逸樂安於苟且足以  
傷政而偷俗也是故易取大壯書有營維詩記司空司徒春秋  
書築宮禮載百工咸理此先王所以重明作者功效而計久遠  
也故立政體國利更數世今也不然吏旣驛傳其官而世之課  
吏者程功之心不若糾過之心關葺者謂之安靜姑息者謂之  
愛民於是巧售其術者卽不至陰收脂膏以自潤亦未過楚孫  
叔齊晏嬰也而外則陽爲儉嗇顧垣不塗敗戶不鍵歲玩日愒  
以累後人而責諂不及則相率爲懈慢矣夫四境者政之所訖



也邑治者政之所出也田疇溝洫在遠者也戶牖庭除在近者也夫令也朝於斯夕於斯出令布惠之地而蕪穢不飭豈能震動恪恭以經野保民遠猶辰告以廣世德於茲土乎夫門內不治而能治其四境者我未之前聞也由此推之錢君可謂知本矣抑之詩曰夙興夜寐寤寐不寧內定之方中日秉心塞淵惟錢君有塞淵之心夙夜之勤以鎮撫百姓凡厥正事罔敢弗克建其獨宮室乎余受事之日淺又厄於歲不獲經始而重服錢君之斷而有成也錢君宏遠矣

國朝順治四年

浙江通志

九月山寇猝至廳廡門樓一夕盡燬

康熙章志

九年知縣蔡杓重建詳名宦傳中為正廳後為川堂為後堂西為內

宅正廳東為幕廳前為戒石亭為儀門為譙門庫西為丞衙儀

門內東為典史衙兩廊為吏舍

浙江通志

余縉為記碑建堂左側

上紀元之九年邑令蔡侯重建聽事堂落成邑父老函請記其事因憶侯出都之日余方巡視京城好駕過從即以吾暨之民風士習山川關隘而詳詢之余固知侯之上有以酬主知下有以慰民望也今當報政之期矢公而革徭田之弊巡行而復經野之規具攝奸摘伏之神釋竊逃株連之累追黃白渡之私漁而石梁重建清茅渚步之官田而興杠再興諸如美政豈特建縣治葺聽事堂之足記也哉然而有不可不記者皇恩浩蕩而感發無地何以令人企仰國威遠播而觀瞻不肅何以合



人畏敬而況乎公帑無請乞之金錢則動用難民閒有早賣之  
絲穀則率作難乃侯當此之際捐俸勸諭不踰時而異材林集  
神人胥應庶民子弟來首建譙樓晨昏有司使斯民之得以早作  
而夜息也次建儀門內外有限使斯民之得以知趨而知避也  
次建大堂承宣有基使斯民之得以不為詛而為頌也敦厚淳  
樸之氣坐斯堂而有以開之衣冠禮樂之風坐斯堂而有以振  
之克威克愛之猷坐斯堂而有以舉民氣以和為天子之屏藩作斯  
坐斯堂而有以播之政事以舉民氣以和為天子之屏藩作斯  
民之父母坐斯堂而皆有以任之則是堂之所係豈小而建斯  
堂以出治之績又豈淺鮮也哉自此而贊廊廟侍闕廷慰天子  
之蒼生我侯之學問事功咸於今日兆之矣是烏可以無記以  
著侯之功神侯之政而傳侯之業於不朽乎余用為是言敬與  
父老再拜而勒諸石侯諱杓字  
而執丁未進士福建晉江人

### 計開

正廳為閒三舊顏曰明正堂又廳東有無倦齋宋時建今廢舊志

川堂為閒三正德中知縣彭瑩顏曰忠愛堂康熙中知縣魏觀以

後堂閉塞去之樓志

後堂為閒三嘉靖中知縣朱廷立撤而新之顏曰三事堂自為文



記之其略曰大庾彭君之尹諸暨也撤廳事之舊而新之榜曰三事夫  
忠愛彭轉官兩匡子代焉撤堂之舊而新之榜曰三事夫  
士君子之為人臣也其道二忠君愛民焉盡矣而其所以行之  
者有三也清以植其本也慎以審其幾也勤以致其成也三者  
廢一不可而吾皆未有行也未有行也而勉行之是故書諸堂  
欲毋忘也將終身誦之耶曰未也所貴乎清也以其惠所貴乎  
慎也以其斷所貴乎勤也以其要清矣而鮮惠則所謂清者隘  
慎矣而寡斷則所謂慎者憊勤矣而無要則所謂勤者勞是故  
去乎隘與寡斷則所謂慎者憊勤矣而無要則所謂勤者勞是故  
愛矣可以語忠愛而後於人臣之道無愧焉爾矣嗚呼此彭君  
之所以善學夫古而隆慶中知縣夏念東改顏曰寅恭堂自是  
余亦願竊比於彭也

修改不一康熙中知縣佟世燕修顏曰新民堂乾隆中知縣張

端木改顏曰思補堂後堂西為內宅有省心室又西有堂為閒

三康熙中知縣朱辰顏曰君子堂以堂前植竹故名乾隆丁丑

知縣張端木修顏曰雙清堂又有得心堂今廢樓志

幕廳一間在正廳東乾隆中改為倉樓志今為冊房庫一間在正廳

西樓志



望稼樓三間閭三層在後堂東偏乾隆中知縣常金蘭建粵寇之亂毀

東廊九間分房四曰吏曰戶曰禮曰承發今增鹽房招房值堂房

康熙十三年山寇竊發盡被焚燬知縣吳龍震重建樓志光緒十

九年三思橋市房失火延燒又盡知縣周學基重建

西廊九間分房三日兵日刑日工康熙十三年與東廊同燬知縣

吳龍震重建樓志

戒石亭一座舊在儀門內當甬道之中後移譙樓外當大門之中

樓志同治九年粵匪之亂亭石俱毀

謹案繫年要錄宋高宗紹興二年六月癸巳頒黃庭堅所書太宗御製戒石銘於郡縣命長吏刻之庭石置之座右以為晨夕之戒又容齋續筆云乾德三年成都景煥撰野人閒話一書首載蜀王孟昶頌合箴二十四句太宗皇帝嘗取二聯先後互換書之曰爾俸爾祿民膏民脂下民易虐上天難欺以賜郡國立為戒石銘石所鐫者即此四句蓋宋制也



儀門為開三光緒二年毀於風三年二月知縣劉引之重建

賓賢館三閣在儀門東康熙中知縣楊洪建樓志誤作夏念東後

改顏曰迎賓廳樓志

架閣房一間在儀門西樓志

大門譙樓為開三隆慶中知縣夏念東改建自為文記之時之義

曰敬授人時又曰勅天之命惟時惟幾二帝三王之治率由此也我國國家則以夏時為正而分啟閉至晷漏鐘鼓每致謹焉成以陰陽生學之生故周宮挈壺氏遺意也故海內郡縣儀門之外莫不建鼓樓以崇其制示臣工以知所謹焉洞然寓於崇樓集事如龍見火見之興廢其所繫豈微誠之屬精俱隱然寓於崇樓建置之內是樓之興廢其所繫豈微誠之屬精俱隱然寓於崇樓州建今改隸紹興府地廣而山崇其雜以充夙昔稱難治先令是者一惟民之所欲惡為從違故鼓樓之內儀門之外皆為民居隱占突據其中高樓宴肆喧沓萬干無所忌避聽理公庭者方下官階即入酒樓高會矣即體統且弗肅安望其順時因利而敬順之哉予承乏是邑觀斯樓之圯已有年矣又慨乎上世之豪民隱官地以為市肆欲一新之而民方以水滂費無所出乃捐俸為之不足又捐鋪役之浮食者以益其數民肆撤矣計五丈有奇橫滅是之半償之以價約三十六金崇樓建矣而稍



易其向所費倍是於是鐘者鼓者有所棲息而不懈於從事庶  
幾乎堂階森嚴時幾罔懈樓之建其有由哉是役也典史曾君  
應祐老人趙世誠實董其事丞篁村王君祐簿懷石習君節樂  
觀厥成例得並書嗚呼建置不難也而難於不費民拓地不難  
也而難於民不以爲病使樓成矣而民以爲傷己之財奪己所  
有則叢怨也非崇制也有司者其可乎哉此固授時之意而時  
幾之義所當爾也老人石有德等請  
曰願碑而亭之以永後於是乎記  
雍正七年知縣張長庠重

建樓今門無樓移更鼓於正廳東偏其改置緣起無考光緒十

九年三思橋市房失火門被延燒知縣周學基重建

旌善亭在儀門左廂知縣夏念東重建今圯

申明亭在儀門右廂知縣夏念東重建今圯

謹案洪武二十七年詔有司擇民間高年老人公正可任事者  
爲里老理其鄉之詞訟又詔天下州縣置旌善申明二亭民有  
善惡書之以示勸懲凡戶婚田土鬪毆  
常事里老於此剖決見顧炎武日知錄  
又案大清律注有州縣各里皆設申明亭一條則國朝亦  
有此制又章志縣署圖大門外左右繪有彰善癉惡二亭各立  
禁碑則康熙時尙未圯  
也今則亭址無考矣



土地祠在儀門內東廊之南樓志粵寇之亂毀後又建復光緒十九

年三司橋市房失火延燬二十二年再建外殿顏曰福德祠內

殿顏曰樂公祠相傳為祀明初知州樂公諱鳳

獄舊在儀門外西宋劉宰有諸暨縣重建縣獄記端平理二年入

月立文見漫塘集同治元年粵寇之亂被燬光緒□年移設儀門內

卽惠濟倉基

候審公所在縣署左側光緒五年知縣潘康保卽永裕倉房改設

遷善所在今縣丞廨前光緒二十六年知縣葉昭敦卽廣濟永足

二倉基改造

縣丞廨舊在幕廳東其正廳顏曰廉石堂明嘉靖閒丞胡采建

國朝順治三年主簿缺裁移主簿廨丞廨改為倉房樓志今又改為

糧房



主簿廳在縣庫西

謹案陸游諸暨縣主簿廳記云邑舊無丞元豐

縣庫之西非三十步有逍遙齋宋主簿吳處厚建自為文記之地

萬物參差殊快詭譎怪不能相一而莊生能一之是亦辯之

志也前繼其致高邈王公大人以不能器其說造化真宰不能材其

旨幽妙其致高邈王公大人以不能器其說造化真宰不能材其

用誕則誕矣而僕竊喜之又以逍遙之名不能與命鬪才不能與

也嘗試論之夫性有定分理有至極力不能與命鬪才不能與

天爭而貪羨之流進躁之士乃謂富貴可以力掇功名可以智

取神之富必如陶朱猗頓耶則原憲黔婁不復為賢人矣使天

下之壽必盡如王喬彭祖耶則顏氏之子閔氏之孫不復為善

人矣使天下之仕必盡如毛嬙西施耶則嫫姆孟光不復嫁於

子矣使天下之富必盡如子西施耶則嫫姆孟光不復嫁於

人矣蓋富者自富貧者自貧壽者自壽夭者自夭達者自達窮

者登聖堂

廟署

六



若東則安往而不逍遙乎此命齋之大略也齋凡三架十有八  
 楹東西之廊翼然而趨左右之房洞然而虛地可載屋不求其  
 餘堂可容几不求其舒可以聽訟可以燕居可以偃仰可以自  
 娛室有淨名經三卷真誥兩帙道書數十軸其餘琴弈圖畫舞  
 樂之具率皆稱是故卯而升坐於堂則奉版抱牘雁鷺而竝進  
 階前沸於闔闔堂下闌如囹圄於是與里胥亭長市井閭巷之  
 民辨曲直質是非於亭午而退休於室則前溪後山軒窗四豁  
 身兀坐於環堵心恍遊於大庭於是與釋家老聃莊周列禦寇  
 之徒談性空論名理於書此僕之所以為逍遙也眾人但見僕  
 汨汨而進碌碌而退塵埃滿巾泥汗滿鞞而不知一室之內自  
 有此樂金朱煌煌軒冕崇崇爵甚榮而位甚尊任甚大而責甚  
 重怨謗之所藪憂吝之所屈又不知與僕室內之樂何如哉乃  
 知古人韜光戢景陸沈於世柱下之史漆園之吏柳下惠之小  
 官東方朔之為郎皆有所謂又何必遁逃山林陔伏草野而為  
 方外之士哉夫位之卑者不競則躁職之賤者不快則悲今吾  
 於是齋也齊鵬鷖之大小均鳧鶴之短長荒唐汗漫覲縷重複  
 廣南華之意述逍遙之旨者不惟用以自釋又將後為丞廨徒  
 告諸後來者使之息躁競悲快熙乎澹泊者焉

**簿廨於倉廩嘉泰元年主簿丁密重建陸游為記**  
 予建炎紹興閒  
 中原喪亂渡河沿汴涉淮絕江間關兵閒以歸方是時天子暴  
 衣露蓋櫛風沐雨巡狩四方曾不期月休也大臣崎嶇於山海  
 阻險之地草行露宿不敢告勞亦宜矣泥於州牧郡守以降籛  
 條一廡以治其事者相望又況降而為縣令丞簿者哉及王室



中興內外麤定然都縣吏寓其治於郵亭廬僧道士舍者尚比比皆是積累六七十一年四聖相受天下日益無事兵寢歲登用度饒餘然後皆得稍復承平之舊至於尉非甚有才則其舉事循者主簿在縣官中卑於令丞而冷於尉非甚有海陵人也今居吳爲尤難若諸暨主簿丁君密者可謂才矣君海陵人也今居吳世有顯人爲吏精察而平恕學工文辭而不忽簿書期會之事嘗兼攝丞久之得添給不取一錢皆用以新主簿之廢諸暨舊無丞元豐間置丞徙主簿以居之而主簿更得廢乃故鹽磨藉溼支傾殆不可居然閱百二十年爲主簿者凡幾人至君乃更新之不亟不徐不侈不陋不費於公不斂於民竹籩木章瓦甍丹堊不蠹不苦不漫不費有池自君來比二年產異蓮駢跗邑人傳以爲君且通貴之祥相與名其池上之亭曰雙蓮君故不喜怪而邑人之意如此亦足知其得民也君與予之子子虞遊乃因子虞請記歲月予不得辭也昔我藝祖肇造區夏當乾德六年二月癸亥嘗詔郡縣吏代歸者皆上其官舍敝壞或與葺之數於有司以爲最嗚呼祖宗明詔具在汗簡而近世乃有相戒以爲非急務且徒速謗者獨安取此哉予嘗備太史牛馬走獲窺金匱石室之藏故敢併記之以曉他在仕者嘉泰元年十月二十七日中大夫直華文閣廳側有雙蓮亭亭下山陰縣開國男食邑三百戶致仕陸游記

舊志

國朝順治三年缺裁又爲縣丞廨

諸暨縣志

廨署

七

卷三



言身及...  
教諭廨在明倫堂東

詳學  
校志

訓導廨在明倫堂西

詳學  
校志

典史廨在縣治儀門內東六十步舊有窺月臺今廢

嘉泰會  
稽志

駐防廨在縣治東又楓橋設駐防響鐵嶺設駐防兼緝私安華鎮

設員緝私皆有營房

### 右官廨

楓橋公署在縣城東五十里有喜雨堂卽楓橋鋪今廢

乾隆  
府志

互詳

### 坊宅志

宣何公館在縣城南六十里萬歷中知縣時偕行卽羅嶺鋪遺址

擲建尹從淑成之并設社於旁

章志

陳性學爲記

夫通都大達冠  
蓋往來相屬微

官舍則使輶奚止此四方公署所以參郵傳而設也宣何距縣  
六十里道且衝而無官署以憩非闕與往余承乏使曹奉璽書  
分茅益藩經斯地則舍于何氏宗祠見靈櫃森在上怒若不自  
甯聞有臺察使者至廝從員役紛午驛騷甚且撤俎豆以施供



帳徒鐘簾以待軒輿則主者病冠蓋驅馳山徑雖獲暫休而所  
駐終非所安則舍者亦病然迄未有軫而圖之者萬厯辛卯乾  
所時侯循行至楊然曰奈何使棲靈薦苾之區為秣馬傳餐之  
所此長吏之羞也於是議建宣何公署易羅嶺鋪遺址從事焉  
堂皇肆啟廊宇稱之周翼垣廡前起麗譙又於旁設社倉儲粟  
以備薦饑其為閒若干計緡若干凡捐俸若干通融轉易若干  
勸義助輸若干即工駸駸而就緒而侯忽改遷定海代侯署者又  
方尹侯念役尙殷繁而財力頗訕功未可旦夕奏也復捐俸為  
通融為勸義又踰一稔而事始告竣會余有閩臬之命從楚北  
乘便歸甯何氏貢生名敏者與余素同筆硯為金石交率其家  
器庠生光祖來敦舊好請一言為記余惟先王之制賓客侯人  
戒塗隸人教園各贍其事而後賓至如歸末世率應文視之矣  
時侯創興百年曠闕以仰裨王政為一難專城結綬非不欲有  
所征繕類多避嫌中輟而侯掃抹形迹毅然決計為二難且官  
不煩帑藏役不費追呼俗不駭更置為三難即今居者企過者  
贍冠蓋安止而何氏亦永安其先靈一舉而眾善集焉賢令之  
施為厝注茲固其一斑哉顧非尹侯嗣厥終如其始則亦安覲  
于績用之成是在時侯視民事猶已事在尹侯修前工即若工  
一則獨任其難一則其成其美懿哉茲役俱不朽於宣何矣時  
侯三吳人諱偕行尹侯三巴人諱從淑竝以名進士起家治邑  
多惠政未易枚舉助義董事者蔡子智口口何宗德今圮  
何鯨何登何璋趙和口口例得書為列序之如右  
謹案蔡子智下舊缺二字  
趙和以下舊缺四十六字



右行署

布政分司在登仕橋西正廳川堂後堂東西廊廚浴房書吏房中

門大門各三間隆慶即南司今圯唯地存章志

按察分司在東門內正廳川堂後堂東西廊廚浴房書吏房中門

大門各三間隆慶中知縣夏念東修萬曆丙申知縣尹從淑重

修隆慶即北司今圯章志

府館在學宮前左外泮池之東正廳三間川堂一間後堂大門各

三間西向隆慶萬曆三十年知縣劉光復改爲永利倉章志粵寇

之亂燬互詳倉廩志

稅課司在縣南洪武初設大使一員攢典一員正統四年裁革十

一年復設嘉靖四十五年復革課程本縣帶辦遂廢樓志

右廢署



醫學在縣前西街即舖前街洪武甲子設訓科一員內外科醫士十二

名乾隆府志後燬於火

國朝康熙五十一年重葺之旋以地近街市為市民侵占屋又籍

入於官乾隆五年知縣秦勳奉督憲德札設局施醫乃加整理

改曰惠民藥局監生趙驥捐田十畝九分零以資施濟秦勳樓志

誤作方以恭今據碑文更正勒碑記其事粵寇亂後又為豪者所踞經趙驥

後裔控追之今為牛痘醫局光緒開城紳孫瑗復捐市房一所

坐落中水門外西向前後兩間并水閣樓基址一行在內徵租

以施種牛痘

陰陽學在縣前西街洪武甲子設訓術一員乾隆府志

僧會司舊無廨宇洪武甲子設僧會一員掌書一名佃僕二名旋

移智度寺乾隆府志



道會司舊無廨宇洪武甲子設道會一員掌書一名佃僕二名旋

移乾明觀乾隆府志

右雜署

倉廩附

預備倉在城隍廟側正廳三間廩二十六間門三間洪武辛未建

謹案洪武三年詔令天下州縣通建預備倉辛未係洪武二十四年暨不當遲緩至此未字恐係亥字之訛蓋洪武四年為辛

亥也宏治間知縣潘珍修之隆慶間知縣梁子琦重修顏曰廣仁

堂隆慶駱志周繼夏為記其略曰國家惠愛元元有常業矣復於

之制縣都委積以待凶歲也石渠梁侯治邑體國勤民首於預

備倉注意焉觀倉廩類敝不堪積儲乃取給公羨以典幕曾君

董其事飭材鳩工建廳事於中園拓廩舍於兩翼恢崇環固而

制大備始事於戊辰仲秋越有二月而告成扁曰廣仁堂夫積

貶者生民之大命也守土者為生民立命當歲稔則大其積貯

可善經久之藏及歲凶則時其振施用周一方之急待哺之民

庶乎有濟而全生者眾矣其為仁也不亦廣乎公諱子琦字汝

珍一字石渠中都壽州人乙丑進士曾君名應祐字錫之號礫



溪南昌  
豐城人今廢

東倉在楓橋

南倉在長浦

西倉在靈泉

北倉在花山

便民倉一在縣東永壽寺一在三港口江南步頭

右六倉廢弛已久基址無存據舊志錄之

謹案嘉泰會稽志  
載有省倉在縣廡

東廡後又有常平倉  
在省倉東今亦無存

廣濟倉在縣丞署前雍正中設編九天雨露沛恩澤廣濟普施字

號樓志粵匪之亂燬光緒二十六年改造遷善所

永盈倉在駐防署後右側乾隆中設編仁義禮智信字號

乾隆  
府志今

廢惟荒地存



永豐倉在駐防署後雍正中設編大有頻書民力足天庾豐盈億

萬斯年字號

樓志

今廢惟荒地存

永裕倉在縣署左側乾隆中設編恭寬信敏惠字號

樓志

今為候審

公所

贊政倉在堂側乾隆中設編贊字號

樓志

即宋縣丞署改今又更為

糧房

惠濟倉在儀門內乾隆中設編稼穡作甘字號

樓志

今改為獄

永足倉在縣丞署右側乾隆五十六年設

乾隆府志

粵匪之亂燬光緒

二十六年改造遷善所

永利倉在學宮前左外泮池之東即府館舊址萬曆三十年知縣

劉光復以歲苦旱潦置官田二百七十二畝零取其息儲之以

備振章志自為文記之

古昔盛時數口有百畝之田樹畜維織種

種具備又且耕鑿清樸不聞侈靡食息熙



恬更無侵剝上之人猶然慮及早溢為災愁憐菜色預圖三年  
九年以備非常今何時乎富者罄室塗觀貧者朝不謀暮國家  
雖稱軫念民艱而輓輸不得後時凡意外軍興徭費與夫郵  
飾廚傳一切倚辦小民此顏闔策其將疲買生涕泣太息之秋  
也無論焦燎汎濫特甚卽一方稍稍不登匍匐號救者十人而  
九卒然議賑無資議借莫應申請未當可而枵腹已填溝中矣  
初復於俱已懸罄幸當道許假權宜民頗樂義猶得因人濟人  
之帑庾俱已懸罄幸當道許假權宜民頗樂義猶得因人濟人  
沿餒鬼者乎此復之疚心而於今不能以夢寐甯也苟可利後  
作餒鬼者乎此復之疚心而於今不能以夢寐甯也苟可利後  
敢畏難勞今蒙兩院允羅社穀一千七百餘石得銀五百餘兩  
因幫銀買桐樹鋪前田七十六畝零并先買黃沙匯及下十里  
鋪其田一百九十六畝零歲課三百餘石總計三年生息約千  
餘石縣有額穀社有四倉而此倉又日積歲充小歉議平糶為  
稜用賑貸持籌而熟計之暨民其亦可免溝壑乎復之竭蹶為  
此者不忍當吾世而再見顛危又不可忍以親莫措之苦更遺  
艱於後人也倉中一粟一粒莫非民膏寸木片瓦俱仗民力苟  
平日泄泄於奸人荒歲又輒攘攘於閭閻徒飾利民之具不蒙  
惠濟之實則是倉也實余之規制具載經野規略光復陞任卽  
罪府也謹誌余懷以告同志

遭侵蝕萬歷四十年知縣洪雲蒸追比之糶穀易銀續置田一

百二十畝零久又廢弛倉屋亦圯

經野規略



國朝雍正七年知縣張長庠捐俸重建增設廂房乾隆中又修之

編天時地利人和公溥字號樓志後又廢弛辛壬寇亂倉屋被燬

光緒二十五年知縣沈寶青奉飭籌辦積穀留撥平餘項下提

派學堂經費修造正室三楹西向中奉劉公神位側廂兩楹左

右倉房各五楹門五楹其黃沙匯及洪公續置倉田久遠失業

無可稽考桐樹鋪倉田向給劉公子孫承種唯清釐出下十里

鋪倉田共 畝 分 釐 毫交董事經理籌辦積穀改名寶

豐倉編富國由崇儉斬年在好生字號

章氏義倉在花山鄉三都章東起東吳東有等勸捐田六十畝後

董事者續置田二百餘畝構屋三進左右廂房各十餘楹積穀

備荒賑濟族人

紹文堂在大部鄉花紋泉乾隆二十年勸捐做范文正義倉朱子



社倉之法常年則放社倉以生息凶歲則發義倉以賑貧規制  
詳密族人賴之

育嬰堂

附

育嬰堂在城西蟹眼橋內乾隆三年郭仙城遵父元宰遺志倡捐  
房屋一所計正樓三間側樓四間門一間共捐銀三百餘兩以為  
育嬰之資知縣方以恭秦勳先後詳憲立案邑中慕義者又續  
捐田二十七畝於乾隆六年開堂收嬰逐年報

拯嬰局在花山鄉三都道光六年章志楷章仁等捐立

拯嬰局在長阜鄉楓橋場左首廟後墮感堂開一二品封贈以  
毀受賑捐築發建流拯嬰之不能存養者山陰戶部郎中何惟  
俊  
造化之理有壽必有其生奇之際有異必有其變  
成男成女此生理之自然者也豈勝幸稱  
有湖文之俗良由貧不能養相習成風殊非父母  
受子之德繼桓先生心竊傷之思所以拯

嬰堂

三



救而無育之者願自以力薄不能博濟為恨適山陰金君蘭生  
 陳君雲堂伯至楓以拯嬰之舉商於先生并邀王君士岳  
 暨君河網陳君邦甸等集議章程悉臻美善凡屬同志無不稱  
 先仁與諸君之義爰自甲寅之夏各紳富量力仗助各鋪  
 戶或捐或抽釐積三年而拯嬰之局以成得膏腴之田百畝每歲  
 收為數百串凡生女而貧不能養者給其資歲以百計而溺  
 女之數可謂仁之至而義之盡歟諸君之創是局也約  
 有三事一重事繁日久懈弛三難也而諸君勤勞三載集腋成裘  
 難也二重事繁日久懈弛三難也而諸君勤勞三載集腋成裘  
 酌定章程不避嫌怨遂使勉占之兆盡成烏哺之慈閭閻銜恩  
 士女知德非能體天地好生之德者焉能成此善舉  
 哉余與繼桓先生交最深得其梗概故樂為之記

育嬰堂在長阜鄉楓橋關帝廟左候選同知陳垠倡捐建造規制

具載碑記陳垠捐坐疏且豫悅頓舉觴字等號田九十九畝八

分六釐九毫各家陸續捐坐筭獨運凌林莽誰累寥遣舉秉疏

解荷求沈葉翳中卽批渠象處嗣近稅稷歡尋見傍筵字等號

其田二百三十七畝九分五釐三毫新置坐歡兩機有庸求觴

解國周古稷施矯俗利筆妙毛謝近辱膳翳沈逼杯勞見飄字



等號其田二百十三畝二分三釐三毫

何氏拯嬰局在大部鄉山口同治閒何國明捐建邑令劉引之給額曰懷保桑梓

調拯倉在長阜鄉全堂道光閒楊芳五捐田八十畝調濟族中貧乏并拯救溺嬰故名

生生堂在花亭鄉澧浦道光十六年厲兆鴻首倡勸捐凡貧而不能育女者錢穀竝給捐田規制俱勒碑

拯嬰局在超越鄉正二十七都局設木連寺之上房咸豐閒候選州同樓以治倡捐共田五十餘畝收息拯嬰

拯嬰局在超越鄉二十八都陳惟善鄺仁親等田錢竝捐收養棄孩今共田五十八畝零

養濟院在北門外一里有屋二十餘楹隆慶駱志宋名居養院嘉泰會



稽志曰居養院以惠養鰥寡孤獨立法甚備宣和初裁遂廢元復設名孤老院明又廢

國朝復設改名養濟院收養鰥寡孤獨及殘疾無告之人給發月

糧無致失所

樓志

濟陰堂在西門內道光六年鍾步翰倡捐收埋暴露建堂於西隅又建寄棺所積骨亭於西門外二十九年子國勳復與邑中同志續捐前後共田九十六畝零豎碑於堂咸豐辛酉粵寇之亂堂燬碑記亦裂惟捐戶姓名及田畝之碑尙存步翰孫權經理數年續置田七十九畝零地四畝零尙未勒石

濟陰局在金興鄉街亭光緒七年盧謙周蔭樾等勸捐勸設其田六十餘畝糧存同仁莊博施戶又義冢山一處係燕窠樓姓宗祠捐收埋暴露逐年冊報



義冢 附

縣西門外長山之麓

隆慶駱志 無畝分

楓橋鎮黃土山明嘉靖中里人陳元璧所輸

無畝分

知縣朱廷立為

記其略曰仁者人之心也義者事之幹也事常於吾心而毅然

曰以義起也悲夫諸暨之民有死而無葬地者或委之野填狐

穴焉或投之江飽魚腹焉鄂東朱氏曰何異類者乃殘吾同類

者耶則恍然有所不忍矣有所不忍者仁也畫地而俾死者葬

焉以義起者也嗚呼古者墓地不粥死者耶焉無流民也後世

有流民之遭而後義冢之名立悲夫吾不願夫世之有義冢也

縣北門外黃泥宕頭

無畝分

附近居民取泥暴骸明萬厯間知縣尹

從淑禁之并立碑以誌其處

其略曰幽則有鬼神冥冥中有不得

所歸職治典者能無隱憂哉暨北郭外西北土名黃泥宕舊有

義冢蓋僑寓者無子孫而得以藁葬焉此無祀鬼魂所棲也邇

因無知小民借名取土朝夕開掘毀墳暴骸嗚呼彼死既不安

厝而白骨且星月蠅嘍可慨已茲允里保鍾叔奎鍾克明鍾樓

王敬等之請鑄碣以禁倘有人心者與口相語曰咸秩無文

國朝歲時邑厲之祭必齋如也矧一簣之土何地無之而甚至



戕賊枯骸首犯不避乎允若茲則生為良民無愧於諸厲而受  
福無量天地鬼神陰鑒默相不可既已雖然禮防民於未然刑  
加罪於既然而吾願其從禮無從刑可也否則開  
柳見棺開棺見屍憲典昭如列星誰復爾宥哉

右三處俱載舊志

南隅土名苾蘿山腳計地三畝經野規略

六都直步土名地埤計地十畝

三十都平闊土名黃泥山計山二畝

附四十七都廊下土名荒平計山十畝

五十五都全塘土名黃土嶺計山十畝

六十八都土名西邊地計地五分九釐

右六處舊本義冢明萬曆間知縣劉光復清出

五都上倉湖土名江埤計地四十二畝六分經野規略

六都源潭匯土名上圩塘計地一十二畝



四十一都陳蔡土名黃濟山計地十畝

右三處本係官地知縣劉光復清出立為義家

東隅交界七十一都土名後村埭直五十三弓三尺橫五十五弓五尺計地一十二

畝二釐三毫經野規略

七十一都土名後村埭西直十五弓中直十五弓東直十弓三尺橫四十弓計地二畝二分

三釐九毫

七十一都土名後村埭直十九弓橫二十九弓五尺計地二畝三分三釐五毫

四都祝橋土名沈家匯計地四畝

附七都長瀾土名灰宕山計山十畝

六十二都湄池土名羅匯高步計地三畝三分官灘不在內

六十八都土名埭地計地四畝

右七處俱明知縣劉光復捐貲契買



正七都姚公步土名沈家步計山四畝姚大德捨

經野規略

十一都應店街土名廟後山計山五畝應和四十三應太一捨

十一都二圖土名泉井隴計山八畝俞良五捨

十六都草埭土名黃婆山計山一十八畝趙俊三十九捨

十七都一圖土名黃泥壟計地二畝楊和順等捨

二十二都安華土名應家街計山三畝許惠四十捨

正二十四都宣何土名廟後山計山三畝何連十一捨

正二十四都二圖土名鬪轎山計山五畝何源十捨

二十九都牌頭土名毛陽山計山四畝吳穩十捨

正三十四都街亭土名石宕山計山五畝陳穩九十三捨

三十六都璜山土名黃觀山計山二畝黃姓公眾捨

三十六都璜山土名後山埭計地一畝黃庚六十六捨



三十八都烏巖土名馬蓼山計山二畝又土名丁家隴計山二畝  
俱蔡子智捨

三十九都東蔡土名瓦窰頭計山一畝張仲賢捨

四十都獨山土名白虎山計山六畝趙存四十二等捨

五十一都一圖土名童山計山十畝五分駱來二百四十九捨

五十四都楓橋土名鋪前山計山十畝陳都三十三捨

五十六都干溪驛路邊土名黃泥壟計地七分謝富三十四捨

六十都橫闊土名梅園山計地五畝斯潤斯邦彥捨

六十一都店口土名牛角嶺計山五畝又八堡垣字九百九十四

九百九十五號共山四畝俱陳欽一百三十七捨

六十四都阮家步土名道堂山計山五畝黃仲玉捨

六十六都木陳土名岐山腳計地三畝壽秉初捨



六十六都木陳土名安家步計地四畝又四畝俱壽文六十四捨

六十六都五圖土名黃家湖江邊計地二畝四分五釐壽祥四十

四捨

六十六都魚墅土名金家園計山十畝壽鼎承捨

六十九都古栗橋土名豹青隄計山六畝鄭元亮章良一捨

右二十四處皆土民捐捨

廣孝阡

南隅二堡愚字一百二十八號土名白洋山計山四畝又愚字一

百三十一號土名大貝山計山五畝六分俱知縣蔡杓捐立

樓志

北隅二堡謂字三百十一號山三畝地二分正一都四堡黃字三

百三十三號山二畝俱趙瑞鯉捨

正一都元字號山一畝各姓合捨



右五處皆康熙初所立

諸暨縣志卷三終

諸暨縣志卷三

孝行

三



上海圖書館藏



諸暨圖書館

ZHUJILIBRARY

第 二 卷



諸暨縣志卷四

建置志三

壇廟

郡邑壇廟之設凡有司春秋致祭者亦建置中事也舊志載有祠祀今惟名宦鄉賢忠孝諸祠之附學宮者已載學校志中不復重出外此爲壇爲廟簡其曾列祀典或載入防護錄者仍舊編列并補其所軼次於建置之後卽閒有典錄所未及者亦必其政蹟足以深人之愛戴行誼足以興人之觀感始以類從焉若城鄉諸不經祀前志雜廁其間今惟與僧寺道院散見於山水志云

壇

社稷壇舊在縣南三里宋政和閒縣令陳端禮依新式增築壇五



雷風雨師附焉清熙三年縣令熊克別築五壇於西塘之外慶

元四年縣令趙彥權始遷城北元遷城西南四里長山下舊明志

洪武元年頒壇制於天下郡邑立於本城西北左社右稷三年

知州田賦奉文建於城北三里牆垣房屋如制隆慶駱志萬曆中知

縣尹從淑重建繚以周垣立門四宰牲房三間神廚三間在壇

東齋房三間在壇西後樓志

國朝建於城南三里壇西嚮高二尺一寸陛四出各三級外繚

以垣立門四門塗以朱由北門入埋石柱於正中近南處長二

尺五寸方一尺上露圓尖西北隅為瘞坎壇東為庫舍三間齋

房三間壇西為神廚三間宰牲所三間每歲於春秋二仲上戊

日致祭今圯

案順治十五年定每歲春秋二仲上戊日子時致祭雍正二年刊頒祀典立神牌二一日縣社之神居左一日縣稷之神居右



祭用羊一豕一各盛以匣帛二黑色長一丈八尺盛以二籠爵六邊豆各四邊實棗栗形鹽菓魚豆實韭菁菹醢醢盞盞各二籃實黍稷籩實稻粱粥二盛和羹酒樽二洗盥樽一盃一梔一中一祝板一香案香爐各二燭臺四乾隆四年頒令於祭前一日陳設監視宰牲屆期○今廢弛已久城南三里紅廟之上育各官具朝服至壇行禮○地稱南壇者即其遺址被禮書佔種菓蔬

風雲雷雨山川壇在城南四里明洪武三年知縣田賦奉文建慶

志驕壇南嚮高二尺一寸陛四出前陛五級後與左右皆三級繚

以周垣立門二設燎壇於東南隅案儀注祭社稷用望燎故設

房屋與社稷壇同

國朝悉仍明制今圯

案元制分祭雷風雨師不祭山川明洪武元年命設山川壇二

年命以風雷雨師台為一壇六年又命合風雲雷雨山川為一

壇既又命祀城隍於壇

國初仍明制雍正二年頒定祀典立神牌三一為風雲雷雨之

神居中一為境內山川之神居左一為城隍之神居右祭用羊

者豎畫置志  
三豕三帛七色白其餘陳設祭品與社稷壇同旋以城隍神別壇廟



祀於廟初以春秋擇日致祭無定期乾隆二十二年禮部議覆准陝西巡撫陳宏謀咨請以春秋二仲與社稷壇同日致祭嘉慶間更號為神今久廢弛壇址無考詳釋舊志似即元之社稷壇改建當在西南城外長山之下

先農壇在城東金雞山下雍正五年署知縣事黃道中奉文建

通志壇南嚮高二尺一寸繚以周垣中建正殿三間供先農炎帝

神農氏厲山氏后稷氏三神配房三間藏青箱一犁一鐵耒一

齋房三間在壇東神廚三間宰牲所三間在壇西藉田四畝九

分在壇前天下州今圮

案向以每歲仲春亥日致祭雍正五年定耕藉儀注改用季春亥日祭用每案羊一豕一坐爵一用磁帛一色青其餘陳設祭品與社稷壇同祭畢各官更朝服正印官秉耒耒赤色佐貳執箱箱青色盛籽糧各從土官播種耕時用耒耒赤色佐貳執色農夫二人扶犁犁赤色引各官至藉所南向壺耕九推九返農夫終其畝頌有耕藉三十六禾詞一章台人於耕所歌之今壇垣俱廢惟餘小廟一所俗稱神農祠蓋即正殿遺制壇前藉田四畝九分工書承種每年耕藉之日惟於上綱廟前草率行禮虛應故事而已



又案乾隆七年部議從御史徐以升疏請立雩壇頒令各府州縣奉行雩祭無壇者卽於先農壇行禮定每歲孟夏月上辛日合社稷山川諸神同壇共祀設神位五風雨雲雷之神居中社神居左稷神居右山川次左先農次右祭器祭品祭儀俱與祭先農同惟爵數及帛色各從本位區分又有旱雩祭在山川壇行禮崇祭在社稷壇行禮均乾隆七年所定者以上諸壇今俱廢自社稷壇以下乾隆九年皆頒有祝文

先蠶壇在北門外七岡嶺上康熙初知縣蔡杓奉文建案准河東督臣請

前志不載壇制無考旋圯後人卽其地建祠趙瑞鯉又於祠前構亭五楹以憩行人光緒十五年地起蛟祠與亭俱毀金祖浩

偕瑞鯉裔孫籌捐重建今稱先蠶祠知縣屆期詣祭

案會典壇坎廣輪高厚之制一以先農壇爲準時用季春日用上已幣用黑用壙埋儀注亦與先農壇同惟方位不一古人或有用東者以桑柘所生之時也或有西者以與藉田對其方也今在北門外則從周禮蠶事必於北郊也

邑厲壇在城北二里丫路頭明洪武五年知縣田賦奉文建隆慶

壇北嚮高二尺四寸陛前出三級繚以周垣前立門齋房三間



在壇東宰牲所三閒神廚三閒在壇西今圯

案明制於清明日中元日十月朔日致祭先三日迎城隍神至壇設位告祭用羊一豕一籩豆各四簋各二祭之日設位於壇之左右立厲牌二上書本縣境內無祀鬼神用羊二豕二分設各一米三石為飯香燭酒紙隨用  
國朝悉仍明制雍正三年增飯米額為九石今廢弛已久惟了路頭有地稱北壇者即其遺址尚餘石表一座其地亦被禮書佔種  
蔬果

里社壇明制每里百戶立壇一所祀五土五穀之神今圯章志

案今各鄉村俱建土穀祠而壇遂廢惟紫巖鄉社神尚壇而不屋又王家步臨江山上有所壇方整以石累級而上有石几石鼎壇旁古柏蒼松鬱然森秀此明制之僅存者

鄉厲壇明制每里百戶立壇一所祭無祀鬼神今廢章志

案今鄉村多有孤魂小祠蓋即其遺意也

祠廟

城隍廟舊在縣城西一里宋淳祐二年縣令家坤翁遷於淨觀院



內節翠峰寺明洪武三年主簿史子疇重建於長山之陽二十年縣

丞馬文聰移於山麓後圯永樂間邑人曹希賢王景明等建正

廟三間川堂三間後堂三間東西廡各十三間坊一座其別院

道房不載舊志後以地處墻野天順四年知縣單宇擇得姚舍山

北玉簪山下張應二家隙地一所以官湖南來之地與張言抵

換又以銀五兩與應行敏契買而移建焉前臨大街後抵官城

上下交便案此即今之廟址見張氏宗譜所載便民事帖本從灣角嶺進路神道湫隘

萬曆二十七年知縣劉光復謀之父老買鍾姓地開闢直道前

臨湖水舊志光復為撰碑記碑載金石志咸豐十一年粵寇之亂

毀同治間陸續重建樓志云萬曆中劉公碑記路係鍾姓捨舊志謂買鍾姓地誤案劉公碑記今載金

石志竝無鍾姓捨路語惟碑後又有捨路鍾賢四十兩行題名

耳此兩行寫刻字蹟與碑文均出兩手顯係後人增入非建碑

同時事也未可援此以疑舊志之誤



案神舊有封號明洪武十七年定禮制去封號直稱曰城隍之神歲無特祀春秋二仲上戊日合祭於山川壇三厲祭則迎神於壇而主之凡有司初入境必先齋宿於此陳牲告神而後到在祈水旱災青必先牒告而後立壇

國朝悉仍明制今則此典久曠不行朔望知縣一詣廟拈香而已

倉聖祠在北門安仁坊在茲閣西北光緒初年應朝生勗惜字局

收焚字紙中奉倉聖神位惜未歲功而歿其弟煜生力踵成之

夫朝生以識字之農無中人之產乃知崇聖教而尊文字毅然

毀家而不顧二十年來實心實事始終不渝誠難得也

詳傳折錄

越王句踐祠在超越鄉越山山即句乘支峰句乘亦作句無所謂

句踐之地南至句無是也祠不詳所始中祀越王句踐左右以

越大夫范蠡文種祔焉

興越二大夫祠在上橫街祀范蠡文種明萬曆二十八年耆民鄺

有政請邑侯劉光復勸建祠在武安王廟側祀以仲冬以入吳



之月也劉光復興越二大夫祠記越之冠帶而長中諸侯者自

實惟范少伯文子禽種是賴二大夫義當祀後世多震慕少

伯高蹈而悲文之不早見嗟乎此未易言也少伯當逆戰夫差

時強諫弗聽已習知主之不同量獨以毀軍滅名復隱忍以見

志功成身退淘知機矣若子禽朝格敵而夕行成國虛無人挺

任居守惟雪恥報國是圖迨泣血枕戈幸翦寇仇而通周室方

將借天子靈寵以屬諸姬其功之不命也臨歿從容自裁曰

臣聞命矣無纖毫怨對狀則非如擊節炬目悻悻矜功伐而懷

憤懣者比也所謂生死不二之臣非歟且少伯告君曰親附百

越則一也則為此地而議崇祀誠無先二大夫者

范相廟在南門外長山之南范蠡巖下嘉泰會俗稱陶朱公廟即

陶朱鄉土穀神每歲社會奉祀甚隆山陶朱公廟碑記窮之厚長

達繫乎命用之與舍繫乎時得之與喪在乎天去之與就在乎

我四者古君子出處之大節而公獨兼而得之不去亦智矣乎公

之事業詳於國語史記吳越春秋當是時吳與越相持幾三十

年吳常勝越常敗吳譬則虎越譬則鼠吳譬則狼越譬則羊句

踐之命在於夫差掌握中數矣公力與舉如計碗諸稽郢大夫

種諸臣閒闕險阻未嘗少變其節乃說句踐卑詞重幣頓顙屈

膝籍其筦庫質其妻子為吳奴虜及囚石室又說飲溲嘗惡以

媚夫差而夫差不悟乃伐齊而舍越復貪與諸侯會於黃池及



越焚姑蘇入其郛猶與晉午爭長不以爲恤既而民疲歲饑  
 稔數極公卒與越之君臣因其困乘其敝一舉而滅之故曰持  
 盈者與天定傾者與人節事者與地此之謂乎君王之恥已雪  
 霸國之業已成則邑萬戶祿萬鍾爲師尚父寵之終身固其宜  
 也公以爲功名不可以多得富貴不可以長保譬然輕舟飄然  
 五湖投紳笏如柴柵棄妻孥如敝屣冥冥而飛汨汨而逝不  
 能絀繳不能弋烏喙雖長而溟渤登蓬萊羽化而仙耶俱不可  
 亡耶死風波耶葬魚鼈耶泛溟渤登蓬萊羽化而仙耶俱不可  
 得而封也徒使越之人愛之不念之不足鑄金而禮其像環  
 地而封其域與夫貪權冒寵市禍賈患而遂脂鼎鑊血刀鋸爲  
 魚肉爲菹醢者豈同年而語哉余嘗按之圖經得公廟於  
 諸暨陶朱山下俗說公本諸暨人今淨觀院卽其故宅也鄉曰  
 陶朱之鄉巖曰范蠡之巖并曰鴟夷之井俱因公而得名也嘗  
 禩負闢不可得詳廟庫窄蕪壞不治屬歲荐饑民又乏饗余嘗  
 至其下徘徊觀覽惻然於懷者數四蓋碑者悲也君子所以述  
 往事悲來今者也因書以爲弔焉詞曰越山疊疊兮越水環環  
 公有廟貌兮山水之間屋其三架兮門鏞戶關庭壘兮不洽今  
 草哀菅豚蹶乏饗兮歲歉民慳香火闌冷兮巫祀聞顏廊榭  
 雨兮古木號寒餓鼠晝嘯兮饑鴉冥還功磨日兮休祀聞顏廊  
 遺像可挹兮高風莫攀我來愴古兮憤淚一潛秋色著樹兮霜  
 葉初殷青史傳信兮灼不可  
 刪千古萬古兮雲癡石頑

孟母端範夫人廟在縣西三十里縣蒲鄉十二都與孟子廟同時



建乾隆十二年六十九世孫玉麟修葺石作硯孟母端範夫人

之崇尚矣蓋孟子少孤不得稟其父邾國之教夫人實成之宋  
宣和四年於孟子廟東前地專廟以祀明宏治十年益增其模  
前室祀邾國公後室祀夫人用孝宗詔也自是凡有興作皆奉  
詔舉事得動支帑金吾邑西夫樂里孟氏自宋太尉曰載者來  
遷尊立孟子廟亦即於廟東前立廟專祀夫人孟子廟得官錢  
辦祭修葺以時丹雘常新而夫人廟成毀相尋六十九世孫玉  
麟有志重立其子承之庀材鳩工於舊址構正寢三閱又恐為  
風雨所蝕也捐田若干畝付執事經紀以為歲修之費孝子仁  
孫無窮之心也謀立石紀其事於事為宜竊惟為母立廟初自  
周人周七廟之制定於武王更成於周公之手蓋因殷禮其實  
堯舜以來胥用此法而特為稷母姜嫄立廟前無所承漢儒以  
魯頌閟宮當之其說似鑿然守祧奄人奏夷則歌小呂舞大  
濩以享先妣固出於禮經之文不可厚非前人也嘗繹得其制  
禮之意周以后稷為始祖不容再祀帝嚳使稷降從昭穆之列  
而姜嫄德所應崇別廟不嫌故為五年之禘推髻降為自出之祖  
使居東嚮之位所以明有尊而姜嫄私情則於別廟申之此考  
之三王而不謬者也夫人大有造於孟氏周人可致其隆禮孟  
氏獨不可盡其美報乎當年孟氏立廟固自有說傳以此義尤  
足塞小儒之口而宏治之制以前室祀邾國公後室祀夫人於  
義為不安蓋帝嚳嫌於后稷不可竝立於姜嫄之寢邾國不嫌於  
孟子不妨共祀於夫人之庭士庶異禮此其義也今邑西孟氏  
實規其制神版雙奉而廟猶存孟母之稱聞鄉人亦云爾蓋名



本於所起義自得通仍之無不可也昔孟氏立孟子廟於其里會稽陶進士允宜為記推為國故奉為先師作硯愧不能文今承屬草亦敢以此義質之世之知禮者夫人姓仇氏元延祐三年加謚封宣獻夫人今上即位二年定謚端範封號如故廟額應作孟母端範夫人

亞聖孟子廟在槩浦鄉十二都孟母廟西南宋初孟子四十七世

孫信安郡王孟忠厚扈從渡江封爵諸暨子載遂徙槩浦鄉而

家焉嘉定十年敕建孟子廟肖像其中明萬曆七年知縣陳正

誼新之會稽陶允宜為記載金石志復請於督學喬因阜檄孟

氏後通文學者充生員一體優免與試世為承襲以奉廟事如

兗府四氏學例三十三年知縣劉光復修之陳性學為記載金

石志 國朝順治間六十四世孫貢生孟稱舜生員孟樹忠等

呈請每歲撥暨田六頃供修備祀批允勒石

府志

文應廟在陶朱鄉松山之麓

俗亦稱松山廟

祀漢會稽太守朱買臣每歲



正月望耆老請長官丞尉謁廟祈年章志宋趙希鵠撰碑記載金

石志又一廟在西門外長山之麓粵寇燬今已重建又一廟在

東門外西施灘上瀕江寇燬今未建復案趙希鵠碑記廟始建於東漢陽嘉三年廟號

錫於宋嘉熙四年初在松山之巔徙於山麓亦嘉熙四年事也

嚴侍中廟在超越鄉二十五都祀漢侍中嚴助初始莫詳今里人

祀為土穀神其墓在破開鵝腕山墓碣載金石志

關帝廟在城隍廟東側初始莫考同治元年粵寇之亂燬光緒閒

重建尙未竣功

案關帝廟前明已入祀典國朝因之為官司春秋致祭朔望行香之處典章所系舊志失載故初始年代無考今特補之

文昌祠在東門外江東迓福門舊作下明萬曆二十三年知縣尹

從淑建後堂三閒前廳三閒門房三閒左右側廂各三閒每科

赴試者多祖餞於此又於祠北建文明閣為層者五為面者六



下登以石作圓洞上豎鐵木弔窗玲瓏鈴聞十里沿江磊石築

隄障水蓋用形家言以鎮良方也今祠燬閣存陳性學文閣

稱巖邑浣水經左長山峙右而堪輿家以西南白洋峰孤聳東

北水口空虛龍伏虎昂不利於諸弟子萬歷乙酉西方壺謝侯卜

地於金雞之巔東江之隈建二浮屠庶幾良位峰高與白洋峰

東西拱映功甫畢而旋圯歲甲午又方尹侯莅吾邑博士弟子

以術者之言請侯曰余宰邑邑之士鬱而弗宣於宰謂何藉令

術者之言信培植地靈不可後圖因卜基於下方門稅課司遺

陞以此地瀕江足當下流掃塞也請於當道俱報可下令鳩工

通邑之民聞令而樂助者如市掄篤實者老十數輩董其役徵

夫起徒輿木輦石荷鋪負畚辨方位五重重若若干楹基崇若干

工之民紛如子來乙未之冬閩成凡五重重若若干楹基崇若干

尺迤南數武建文昌祠一區廂房旁列前後各若干間是役也

不煩民力不病官帑捐鏹者士民率作者侯嘉勸者兵臺郡守

二大夫也會余奉簡命觀察七閩道經故里快觀其成而博

信故洩者補之豐者損之斗魁戴匡六星曰文昌宮魁下兩兩

相比者曰三台經生學士多宗之茲閣之建峩峩翼翼使峰孤

者對峙水去者迴瀾風氣愈完金湯永奠胥吾民而納之春臺

之域何有哉省臺吳公巡縣適茲閣之成顏曰擎天砥柱意亦

遠矣侯諱從淑字道傳丙

戊進士又方其別號也



在茲閣在北門安仁坊城內五湖之水皆由此洩萬曆三十二年

知縣劉光復建閣鎮之額曰在茲上供文昌像劉光復在茲閣

有惠然推與之而民利有森然厲禁之而民亦利者總之於民

偏施下不倖得共成其大與民同之毋敢以尺寸徇之即早為

溪澗池沼之屬於官者務與民同之毋敢以尺寸徇之即早為

勢家侵牟而羣情弗便亦悉追還誠不欲以利民者妨民耳已

亥秋父老葺城隍廟相率而請闢廟前鍾姓地以見水砌湖路

以通行余謂安神福民可聽也庚子春鍾生律與廟下居民俱益

合言湖路伸上縮下不宜莫若竟砌屬城形勝往來兩利俱益

余謂通道便民可聽也甲辰冬鍾生律又請曰城北虛單某備

五通邑之族與近居者僉議就可共得百數十金願起閣湖中

聽也鍾生捐貲如約余買官地及學湖之被侵者輸錢佐之迄

乙巳春季而工竣閣廣三丈餘基高丈許層而上之及巔約餘

六丈不施丹聖繪藻之飾列書格言以供願誕煥乎炳心日矣

者至畫畫志壇廟

閣上勒碑以乞言世之言文昌事不經見余未審其本末何敢

是也故曰於乎不顯文王之德之純夫以純言文則文之為文

何所指耶顏淵曰文王既沒文不在茲乎先儒解茲篇此而此又

人日用事事物各有節奏率心而發念之則惺常念之則常



惺文為本來之靈光盡其所以為我者而文在矣故君子終日乾乾夕惕若念茲在茲允出茲在茲也竭吾之才尋孔之卓以任乎二三子念之毋負斯舉也康熙五十三年水決北城閣圯

乾隆十六年重建閣更三層而上高六丈四尺董事者酈其浩

陳志聰酈士錦也今又燬又一閣在櫺星門左道光十五年建

### 亦供文昌像

案舊志作梓潼帝君廟樓志以文明在茲二閣為振興文風附入學校志中虞集廣州路右文成化廟記云斗魁戴匡六星為文昌之宮士大夫多信禮之歷代俱有封典嘉慶六年詔京師地安門內文昌祠春秋致祭一切儀文仿關帝廟定制今謹遵而更曰文昌祠而仍以時代列此并二閣亦附入焉

賈孝子廟在孝義鄉黃演祀劉宋孝子賈恩今鄉人祀為土穀神

史大夫祠在縣西二十里靈泉鄉大夫名昭字德輝其先杜陵人

唐咸通中充諸暨鎮遏使平喬中甫之亂黃巢犯境又卻之卒

葬靈泉鄉之溫泉村鄉人懷之立祠祀焉

浙江通志



上綱廟在江東台輔坊卽安俗鄉士穀神神姓陳名謚宋堯佐四

世裔學士陳盛之祖登進士第官至吏部侍郎平邊有功留守

秦鳳扈蹕南遷徙東越樊江後隱諸暨江東台輔坊境內火以

法除之卒後往往顯神里中追祀立廟敕封定國侯加封裕國

明王舊志歲十月望里人與城隍文應二廟竝賽之賽會甚盛樓

此廟以正月十月之望與城隍文應二廟同日賽會故亦及之

史魏公祠舊作史太師浩祠在乾明觀內祀宋知紹興府事史公

浩乾道間奏免湖田租振卹淹沒之家因立祠祀焉舊志謹

宋孝宗朝以丞相出守越封魏國公奏免湖田若干頃蠲租振

乏有德於越進封越王後復追封昭惠王為都土地奉敕建祠

額曰彰德有司春秋致祭乾道四年奏疏比蒙聖恩特遣中

使到臣屬州訪問水滂去處已卽時具奏去訖臣為郡無狀使

旱滂失常上貽聖慮不勝惶懼臣比差官檢視惟諸暨湖田被

水民開禾稻皆以淹沒至有拆毀屋宇出賣家具欲為逃亡之

計者蓋恐將來稅賦有司或不加恤不得不出於此也臣遂急

者

差觀察使趙公過星夜前去覆視仍出榜盡蠲全稅其被水之

壇廟

乙



家借支義倉振郵使不至於流移伏乞稍寬願愛臣所領州爲  
 縣有八其他七縣皆報大稔惟諸暨縣天台山四明寶婺數百里  
 山谷之水止有錢清一江以洩之故入於縣之四旁立七十二  
 湖以潴此水故無泛溢之患歲久所謂七十二湖者人皆占以  
 爲田遇雨皆歸七十二湖侵損所種之苗然則非水爲害民間  
 不合以湖爲田也是故諸暨縣雖四方大稔時和歲豐常有  
 流離餓殍之憂深可憫憐今湖田不可復諸暨湖田之民歲歲  
 懷憂人受害不敵以不告奉詔委史浩委諸湖田利害差  
 官相度措置申尚書省乾道四年八月 乾道五年奏疏諸暨  
 爲縣當台婺之末派每歲秋澇水必泛溢故人於縣之四旁作  
 七十二處以受此水歲久涸廢人占以爲田昨因經界法行官  
 吏無郵民之心將湖田作籍田打量計二十三萬五百二十畝  
 有零秋米總入千八百七十石有餘夏稅鈔絹內本色折帛改  
 作苗米中色價紐計米三千二百一十七石二斗七升五合并  
 添入管苗米二千八百五十四斗四升六合五勺二項共計  
 一萬二千八百八十八石二斗六升一合一勺於上共折帛卽無虧  
 損見降付戶部許令紐折施行 奉詔紹興府將前項紐計錢  
 省倉中界現行糴米價值作二貫零九十九陌折納米一石添  
 入每年認發湖田米 今圯  
 施行乾道五年七月

紫陽文公祠舊在南門內明嘉靖間知縣徐櫪嫌其湫隘近市遷

祀於紫山書院之作聖堂後教 補林志謀遷學宮齋院田并祠



基以充費後學不果遷而書院廢祠亦與之俱廢

紫陽精舍祠在縣東五十里長阜鄉楓橋鎮一名義安精舍朱子

為常平使時鉤察民隱召楊佛子與語因止宿焉鄉人瘞其像

歲時展謁後陳志遜請祀於義學祠遂改為急遞鋪舊志今改為

### 景紫書院

單公祠在城隍廟側元延祐二年建祀元知州單公慶舊志今圯惟

合祀於名宦祠中

李公祠在學宮內明成化間建祀訓導李公永舊志馮珏李先生祠

堂碑載金石志今圯惟合祀於名宦祠中

梁公祠在紫山書院內明隆慶間建祀知縣梁公子琦浙江通志今圯

餘姚大學士呂本梁公祠記略余棲閒謝事久矣即問閭月日亦所不接又烏知百里之外守令之去來與其政事哉薄田名泌在暨者租徭其邑於是暨人常往來於家至是有以其父母梁侯赴內召且行而欲碑以永其思者數輩敘侯政績皆節用



愛人剔弊與利先教化後催徵正身率屬舉廢興賢而水旱災  
 苦之必致其援窮潛幽隱之必用其情其大略舉績之最者而  
 細者不與用以紀事且曰吾民將祀侯而像之矣余覽而賢  
 之爰表之以成其美且以告夫後之令暨者侯名子琦字汝瓚  
 號石渠起家以己丑進士鳳陽壽州人也謹案記中薄田名  
 泌在暨者租徭其邑二語讀之乃知駱志所謂以泌湖投獻豪  
 右者即呂公也特錄  
 記略於此以資參考

靈雨祠在南司東明萬曆十七年六月亢旱知縣王嘉賓步禱富

春山木又神夢神告以九日雨果驗因建祠祀神王公丁艱歸

民又建祠祠後以祀王公監生毛立意捨地生員石著經畫陰

陽官婁文達董其後後又以時公偕行尹公從淑與王公合祀

今俗稱木又廟

陳性學靈雨祠記書曰惟德動天又曰至誠感  
 神天神之應捷於影響天不言視聽寄之民

心之天可德感不可利誘威惕者德能格天天且不違況於人  
 乎此暨之民即感德之民而王侯之俎豆於暨宜也暨居錢江  
 上游山湖齒錯旱澇不時侯以戊子元日下車侘僚鮒潤簿書  
 蝟紛而目所忽接輒畫於心耳有暫聽不輟於手跋踵濡沫者  
 轉於衽席伺隙弄奸者辱以蒲鞭進而受事罔借譽於上谷以  
 賦政罔作威於下緩羨絕私問退盡屏則壤給帖界限有憑尤



加意青衿暇則商權經義不期年而政通人和越己丑六月不  
雨侯十日食民命也用軫我念率僚屬齋禋徹蓋社從結壇禱祈  
夕閱十日不雨侯哀疾其辭迫其容若將隕越於地邑人口君  
無病乎其何以邑人之病病吾君侯曰民病是瘼吾何愛焉閱  
十日又不雨獻議者云紫閣山有木又神司風雨惟有德者  
禱之始出無不雨王侯聞之欣然躬迎神神即報夢應期大  
雨四郊沾足灑稿之禾以回侯謂民德神貺擇地於南司左構  
靈雨祠報之使神永庇於暨且便禱也不閱月侯丁內艱暨士  
民號泣失怙恃逾年侯功德被茲士思慕無已即靈雨祠後鳩  
工為椽五楹肖像瞻視五年於茲矣士民石著鄴希範鄴汝安  
趙應鵬數十輩詣請記子棡侯之德由積誠而格天由格天  
而格民余奚辭詩稱豈弟君子民之父母夫父母之於子飢食  
之寒衣之所欲聚所惡勿施已爾若侯之於吾暨也無大小無  
難易益於民者行不待且損於民者去唯恐其留夕若甘雨之  
應特為民一措耳則民之思侯與侯之格天同一誠也夫子事  
父母終身慕焉吾暨之祠像王侯獨今日慕之已哉身而子子  
而孫孫而元雲世世仰止其慕又當何  
如哉侯諱嘉賓號廷石直隸滁州人

劉公祠凡六十三所在縣前六角亭官船步茅渚步會義橋餘不

盡載祀明知縣劉公光復章志今茲或存或圯亦不能足六十三

所之數矣鄴滋德劉公祠記荒溪上下山水之間軒而楹者六

者聖聖直示十三所皆祀明進士青陽劉公光復公令暨潔己愛  
壇廟



民善政不可枚舉而導利而布之上下者則尤著水功之治邑境萬山層巒次為重湖陽雨無時卒鮮甯歲公下車軫念民瘼相度地勢雖薛平之治潞洪濇之堰壩開以捍以潞旱澇頓減烝民乃粒以爲原隰墳衍高下凌戾之知太平無以過也故祠之特繁然或以爲原隰墳衍高下凌戾之知太平無以過也故祠之特勤橫汗災之填淤反壤村里憂墟將無利盡於昔而害及於今歟則未悉公之大經濟也夫公視既人之利猶已子孫之業其知有所取慮有所棄或坎爲澤或呀爲阪翼以宣乾用漑宜濬宜封爲勸爲禁會無何而貪者冒其禁情者玩其勸既且浸尋賸削呀者閉坎者涸是愚哉斲梁棟爲薪蒸以危其室者之過也故老又傳公與利時民有以弊請者公答言彼時余且化龍爲汝等子孫圖之果爾則公神靈之昭烜於霄壤者未或忘暨也誠無以報豈徒山渚陋區村○又有會稽陶望齡劉公生祠氓勤牲酒之敬已哉於是乎記○碑記祠在山陰新江口以非本縣境故文附名宦志本傳後又有郭肇重修茅渚步劉公祠碑記以專爲茅渚步祠而作故文載山水志

三邑侯祠在西門內祀明知縣王公章路公邁蕭公琦章今圮

錢公祠在上水門外祀明知縣錢公世貴章今燬

朱公祠一在茅渚步一在王家步祀

國初知縣朱公之翰章今圮



謹案茅渚王家二步今均無遺址可訪唯花山鄉四都白門新廟橋外有朱公祠今尚存

孟貞女祠在槩浦鄉十二都孟母廟側祀明監察御史蔣文旭聘

妻孟氏宣德閒巡按御史蔣玉華翰林院侍讀黃文瑩以事疏

請於朝詔旌其門建坊立祠

王烈婦蔡氏

向稱蔡烈婦今改從列女傳以昭一律

祠在紫巖鄉六十二都南塘隄

祀元末王琪妻蔡氏洪武中詳請立祠

事載洪武一統志

萬厯閒巡道

范按部復上其事曰歷觀蔡氏事蹟皆乾坤正氣所鍾貞媵亦

以烈死竝當表揚仰給贖銀本家建祠修墓塋像立祀仍遣官

行禮以慰貞魂以勵頽俗於是知縣劉光復令其子姓修墓立

祠建坊豎碑於其鄉之南塘隄而以其婢女附祀於西廊

貞烈祠在東門外江東迓福門下舊為接官亭明嘉靖閒知縣朱

廷立修復更名觀稼亭

有觀稼亭說見名宦志本傳

萬厯閒知縣劉光復詳



請改建貞烈祠合祀孟貞女王烈婦蔡氏批允動支學租銀三

兩二錢

每名給一兩六錢樓志作每名二兩今據縣案

以備牲醴於大寒日遣學官一

員詣祠致祭

劉光復貞烈祠記略孟諱蘊字文姬幼凝重不凡讀書輒自慕古人父母擇配蔣氏子文旭未婚旭

以貢舉選授御史忤旨賜死女日夜號泣候喪過其門籍衣衰

徑扶輿歸蔣不可挽服闋復歸母家獨棲一樓作梅花閨詞諸

詩以勵志歷七十餘載卒年九十三髮不見白亦純心之昭也

宣德六年侍臣上其事詔旌表里門仍祠焉蔡諱相字彥卿

性婉淑亦好書能詞元至正中適東郭王琪未而月偽吳張士

誠寇兵至相奔避長甯山猝與兵遇時道旁紙鑊正沸懼辱投

鑊中死從行媵者名順女被賊迫應聲曰主母死義不爾汗侷

強罵詈賊屠之里中至今歎異何其偉也兩人後先燿美越二

百年而生氣不磨歲己亥余叨宰茲土時憲司范公敦世勵俗

注意風化哀採古今忠節士女余韓二氏上之范公大為褒異

捐資葺祠題墓學憲思韋洪公郡主劉公咸贊美贈助有

宣烈婦祠一在西安鄉六十六都福清嶺下上宣莊康熙開建祀

宣琪之妻宋氏祠前有池池岸有碑鐫日宣烈婦殉節處歲給

學租銀一兩六錢致祭一在六十四都何家山之麓祠前為通



衢卽烈婦于歸時折輿在處康熙開里人何宏基建

何烈婦祠在紫巖鄉六十都東何村嘉慶十七年建祀諸生何檢

妻屠氏光緒二十四年里人重新之

雙烈祠在采芹橋西道光六年奉 敕建祀陳維章妻陸氏方日

琴妻李氏粵寇之亂燬

節孝祠一在東門外近福門雍正四年知縣佟逢年奉文建前立

石坊同治元年燬於兵光緒七年重建一在城內縣後道光二

十年都人士采葺幽芳稟請 旌捐資建祠前立石坊學宮

春秋致祭 稟敬新建節孝祠碑記江蘇陽湖武進二縣以節孝

久湮哀其姓氏顯大吏疏請合建一坊以表之得

旨允行於是吾邑人士樂聞是舉博訪節烈貞孝婦女益以府

縣志乘所采而未與褒揚者類著於冊稍涉疑似別而出之雖

仁者宅心長於善善願筆削所在 旌典攸關慎之又慎固其

宜也冊具都數三千二百有奇由校官遞上堂專累考層核咸

以爲當奏入得 旨如陽武故事先是窮檐茹苦之輩以爲分



較繁憚於瀆請撫專增歎莫可如何茲得近援故事上荷 溫  
綸謂非開世遭逢歎坊石既樹慕義君子絡繹輸貲拓地建宇  
設主棲神餘貲充物選購映畝祀事之供歲修之給咸取諸此  
事 聞以好義優敘有差敬於斯役備聞顛末蓋蒐輯名冊始  
於道光十一年辛卯至庚子而祠宇始訖工謹  
識諸石冀後之君子踵而行之則名教之幸也

陳孝子祠在孝義鄉陳蔡鎮祀順治初紅梅孝子陳巧官孝子於

光緒二十二年詳

旌宣統庚戌邑紳傅振海會官紳與徐孝子職栗主同送入邑城忠

孝祠其里人庠生陳瓊監生陳烈舉人江蘇候補通判蔡殿襄

等復建祠五楹於鎮上祀之並祀鄉先賢賈孝子恩邑人傳代出

子詩立國重忠臣居家重孝子忠臣不偷生孝子亦如是卓卓  
陳家郎采桑隨母氏遙見山寇來陸母東陽裏但得母身全何  
惜兒身死兒口守瓶如兒心鍊鐵似兒死母心悲母全兒心喜  
世間多奇兒奇兒誰有此不愧舊家鄉孝義名其里遐稽昔賈  
公苦衷堪竊比百載發幽光豈僅隆享祀堅節並精忠名應垂  
國史詩見梅嶺遺稟兩浙輜軒續錄諸賢詩存續編

諸賢縣志卷四終